

欽定歷代職官表

11

保
1544
5



4846
5

欽定歷代職官表卷十四

工部表

工部	尚書	部	工
三代	夏司空	殷司空	周司空
漢	卿	大司空	司空
後漢			
三國			
晉	書	屯田尚書	起部尚書
宋齊	書	宋陳	
北魏			
北齊	書	起部尚書	
後周	卿	大司空	
隋	書	工部尚書	
唐	書	工部尚書	冬官尚書
五季	書	工部尚書	
宋	書	工部尚書	
遼	書	工部尚書	北院宣徽使
金	書	工部尚書	宣徽使
元	書	工部尚書	知北院宣徽事
明	書	工部尚書	南院宣徽使
	書	工部尚書	知南院宣徽事
	書	工部尚書	

職官表卷十四 工部表

廣雅書局印

六十五

工部上

國朝官制

工部尚書滿洲漢人各一人

掌天下工虞器用辨物庀材以飭邦事所屬有營繕虞衡都水屯田四清吏司

國初設工部滿洲承政二員蒙古承政一員漢人承政一員
滿洲參政八員啟心郎一員尋又增設漢人參政二員蒙古參政二員漢人啟心郎二員崇德三年改設承政一員左參政二員右參政三員順治元年改承政為尚書無定員五年定設滿洲漢人尚書各一人雍正元年以來以親王郡王大學士兼理部務皆由

特簡不恆置

左右侍郎滿洲漢人各一人

掌綜事訓工以貳尚書順治元年定額滿漢右侍郎兼管

理錢法堂事務

詳見戶工二部錢局篇

營繕清吏司郎中滿洲四人蒙古一人漢人一人員外郎滿洲

五人漢人一人主事滿洲二人蒙古一人漢人二人

掌繕治

壇

廟宮府城垣倉庫廨宇營房辨飭物材而司其禁令凡工作之籍

以時會而上之

國初置工部理事官九員副理事官十二員額者庫二員順

大正五年

治元年改設滿洲郎中八人蒙古郎中一人滿洲員外郎

九人蒙古員外郎三人滿洲主事四人漢軍郎中二人員

外郎六人十二年增設滿洲郎中九人員外郎十人康熙

二十二年增設滿洲主事每旗各一人三十八年省蒙古

郎中員外郎額闕又省漢軍員外郎四人五十七年復設

蒙古郎中一人員外郎一人增設蒙古主事一人雍正五

年省漢軍郎中員外郎額闕滿洲司屬初不分曹聽委於

其長後始定額如今制漢人司屬則自順治元年即隨曹

置額初設營繕司郎中二人員外郎二人主事六人虞衡

司郎中一人員外郎二人主事三人都水司郎中一人員

外郎二人主事十有一人屯田司郎中一人員外郎一人

主事三人十四年增營繕司主事三人十五年省營繕司
郎中一人營繕都水虞衡三司員外郎各一人都水司主
事一人十六年省營繕司主事二人十八年復設營繕司
郎中一人康熙元年仍省又省營繕司主事一人六年營
繕虞衡屯田三司又各省主事一人都水司四人十一年
增都水司員外郎二人尋省十二年又省都水司主事四
人

虞衡清吏司郎中滿洲四人漢人一人員外郎滿洲四人蒙古
一人漢人一人主事滿洲三人漢人二人
掌山澤採捕及陶冶器用修造權衡武備之事若葦蓆竿
繩之屬則儲以待用應時而給之

都水清吏司郎中滿洲五人漢人一人員外郎滿洲五人漢人
一人主事滿洲四人漢人二人

掌河防海塘及直省河湖淀泊川澤陂池水利之政令凡
道路之平治橋梁之營葺舟楫之制度咸總而舉之歲十
有二月則藏冰夏而出之以供祭祀

宮府之用焉

屯田清吏司郎中滿洲四人漢人一人員外郎滿洲五人漢人
一人主事滿洲三人漢人二人

掌修

陵寢大工及王公百官墳塋之制凡大祭祀則供其薪炭百司歲
給亦如之工匠之餼於官及以時和顧者皆量其功役而

為之程度焉

節慎庫郎中員外郎滿洲各一人司庫滿洲二人庫使滿洲十有一人

掌出納金錢月要歲會以上其數郎中員外郎俱於各司屬中簡調一年而代初設有漢人大使一人順治十五年

省

製造庫郎中滿洲二人漢人一人司匠滿洲二人

初制七品康熙九年定為

從九品司庫滿洲二人庫使滿洲二十有二人

掌攻治金革所領銀工之屬十有二鍛工之屬九皮工之屬十有三繡工之屬五甲工之屬八凡車輅儀仗之制展采備物皆辨其名數而供之初置滿洲郎中一人員外郎

二人後省員外郎而增置滿洲郎中一人漢人郎中初以虞衡司員額管製造庫事乾隆十九年改為製造庫郎中皆於本部司官內遴選補授

料估所司員滿洲漢人各三人

掌審曲面執量丈尺權物價計庸直以授成於督工之官工竣則覆覈之皆於本部司員內簡委一年而代

琉璃窯監督滿洲漢人各一人

掌陶琉璃器具按其模式辨其等差以供

大工之用順治初專差漢人司官康熙元年改差滿洲漢人司官各一人一年而代

木倉監督滿洲漢人各一人

木倉在天安門右千步廊外凡各省歲輸木材自張家灣運京者謹其儲待以待各工順治初專委滿洲司官一人康熙六十年改定以滿漢司官各一人管理二年而代

皇木廠監督滿洲一人

木廠初設於通州及張家灣各遣筆帖式二人驗收運京木材康熙二十六年停遣筆帖式通州廠以通惠河分司主之尋改歸通水道張家灣廠本部遴滿洲司官一人管理凡運木至水次部委官驗視如式則令監督受之核其數以運入木倉一年而代

管理街道廳御史一人本部司員一人步軍統領衙門司員一人

掌平易道塗清理溝洫歲時相度疏濬滌泥潔潦以利車

馬初委本部司官滿洲漢人各一人乾隆三十一年定制

令都察院掄選御史二人工部步軍統領衙門各掄選司

屬二人引

見簡派以專責成一年而代

堂主事滿洲三人漢軍一人

掌章奏者滿洲一人漢軍一人掌案牘者滿洲二人俱順

治元年定額

司務廳司務滿洲漢人各一人

順治元年定額

職事見吏部篇

筆帖式滿洲九十三人蒙古二人漢軍十有二人

滿洲筆帖式初置九十人後增設三人蒙古筆帖式雍正十二年置額漢軍筆帖式初置十四人後省二人俱分隸各司視事之繁簡以爲額

職事見吏部篇

謹案工部舊設營繕所所正一員所副一員俱順治十五年省所丞二員順治十四年置以一員管清江甄廠一員管臨清甄廠尋省臨清廠一員清江廠一員中罷復置雍正四年俱省又舊沿明制有文思院廣積庫柴炭司通州抽分竹木局大使各一員後俱省又初設有柴薪正副監督各一人以本部司官充煤炭監督二人一以本部司官兼攝一以內務府司官兼攝掌預時給直採取薪炭以儲

內廷之用乾隆四十六年以其事併歸內務府經理焉

歷代建置上

三代

尚書舜典舜曰咨四岳有能奮庸熙帝之載使宅百揆亮采惠疇僉曰伯禹作司空帝曰兪咨禹汝平水土惟時懋哉帝曰疇若予工僉曰垂哉帝曰兪咨垂汝共工垂拜稽首讓於殳斨暨伯與帝曰兪往哉汝諧帝曰疇若予上下草木鳥獸僉曰益哉帝曰兪咨益汝作朕虞益拜稽首讓于朱虎熊羆帝曰兪往哉汝諧

謹案司空爲冬官之任肇自虞廷然以今工部所掌按之則實卽垂所爲之共工一官而不盡出於司空之職

鄭康成註考工記謂司空掌營城郭建都邑立社稷宗廟造宮室車服器械監百工者唐虞以上曰共工據此是司空卽共工之官而改其名者賈公彥疏申鄭之義謂堯初冬官爲共工舜舉禹治水改命司空以官異之禹登百揆後復爲共工其說甚鑿然不見於他書未足依據嘗考司空命名之義孔安國謂主國空土以居民見尚書傳顏師古謂空穴也古人穴居主穿土爲穴以居人見漢書百官公卿表注白虎通則云司空主土不言土言空者空尚主之何況於實見白虎通封公侯篇諸書所釋雖互有異同要其職皆在於平治水土度地居民而並不及乎辨器飭材之事故尚書大傳謂溝瀆過水爲害田廣不墾則責

之司空而家語亦謂孔子爲司空別五土之性而物其所生之宜是知司空所主者在乎辨方正位體國經野之大猷而百工之事乃特其兼屬而初非其本職此司空與共工虞廷所以分爲兩官也周禮冬官旣闕其制不詳漢司空但主四方水土功課而繕修攻錯之工則分屬之將作少府尚爲不失遺意唐宋以後工部專司工作而共工始合於司空又以虞曹隸屬工部而山澤之掌亦歸其統轄虞廷九官遂合伯禹及垂益所掌而一之工部四司實兼有司空共工虞官之職事矣今以舜典經文錄冠三代之首用明緣起而歷代建置分合之故則隨條附考如左

杜佑通典 禹元孫之子曰冥為夏司空

禮記孔穎達疏 鄭註大傳夏書所謂六卿有共工

謹案尚書胤征工執藝事以諫當即指共工之官蓋百工各執其藝而其工為之長也又儀禮覲禮云嗇夫承命告於天子鄭康成注嗇夫司空之屬考周禮無此官惟胤征有嗇夫馳之文則亦當出於夏制然孔安國傳以為主幣之官與覲禮所言又頗不相合案左傳稱司空以時平易道路國語稱司空視塗嗇夫為田畷之官見詩甫田篇鄭箋若漢之鄉嗇夫職聽訟收賦稅與三代不同其職本在郊畿以外疑諸侯入覲時嗇夫實有除道之責如野廬環人者比故屬於司空孔傳主幣之說特以意揣測而言之耳

夏小正十有一月虞人入梁傳虞人官也梁者主設罌也罌古者也

謹案此即伯益所掌之虞官至夏世而其職較輕者蓋益當洪水之後山川林澤皆未能得所故以益平治之與禹平水土殆相為表裏三代以降則不過掌其禁令與民共之而已

禮記曲禮天子之五官曰司空鄭康成註此亦殷時制也天子之六工

曰土工金工石工木工獸工草工典制六材鄭康成註此亦殷時制也周則皆屬司空土工陶旃也金工築冶梟桌段桃也石工玉人磬人也木工輪與弓廬匠車梓也獸工函鮑鞞韋裘也惟草工職亡蓋謂作萑葦之器

尚書洪範三八政四曰司空孔穎達疏司空掌居民之官

尚書序咎單作明居孔穎達疏馬融曰咎單為湯司空
禮記王制司空執度地居民山川沮澤時四方量地遠
近興事任力

詩大雅乃召司空朱子集傳司空掌營國邑

尚書立政司徒司馬司空亞旅孔安國傳此有二卿是文
武未伐紂時舉文武之初以為法則

尚書周官司空掌邦土居四民時地利

尚書孔安國傳司空第六毛公頌之

春秋定公四年左傳聃季為司空

周禮地官鄉師執燹以與匠師治役鄭康成註匠師事官
之屬其于司空若鄉師之于司徒也鄉師主役匠師主眾

匠賈公彥疏地官之考稱鄉師春官之考稱肆師秋官之

考稱士師此經鄉師是司徒考明匠師亦是司空考故云

其于司空若鄉師之于司徒天官太宰設其考鄭注云考肆師軍司馬士師也司空亡未聞其考賈疏云匠師司空之考而未聞者以義約之無正文故也

儀禮大射儀工人士與梓人度尺而午鄭康成註工人士

梓人皆司空之屬王應麟曰工人土能正方圓者

謹案周禮事官之屬已亡其職制不可復見惟太宰謂

建其正立其貳設其考者五官之數並同則冬官當亦

無異以例推之知為大司空卿一人小司空中大夫二

人匠師下大夫四人上士八人中士十六人旅下士三

十二人若府史胥徒則五官已有參差未可臆定矣至

儀禮之梓人已見考工記而工人土能正方圓卽所謂
審曲面勢之事今工部之料估所蓋其職也

周禮考工記輪人爲輪爲蓋輿人爲車輞人爲輞築氏爲
削治氏爲殺矢桃氏爲劍鳧氏爲鍾棗氏爲量段氏函人
爲甲鮑人鞞人爲皋陶韋氏裘氏畫績之事筐人幌氏玉
人柳人雕人磬氏爲磬矢人爲矢陶人爲甌旅人爲篋梓
人爲筍虞爲飲器爲侯廬人爲廬器匠人建國營國爲溝
洫車人爲耒爲車弓人爲弓

鄭康成註事官之屬六十此職其五材之十工略記其事耳其曰某人者以其事名官也其曰某氏者官有世功若族有世業以氏名官者也

謹案司空之職在居四民時地利故凡田萊溝洫都邑
塗巷市井室廬以至桑麻穀粟之所出山澤林麓之所

生其法式皆當屬之事官太宰六典小宰六職其事
典事職皆曰以富邦國而鄭康成亦謂司空掌邦事所
以富充國家使民無空王與之周禮訂義亦云如衛文
公務材訓農通商惠工馴致殷富蓋得事典遺意冬官
職守昭然可見若考工記所載止百工之事雖本司空
一屬而不可遂以補冬官之闕且諸工尚當各有官以
統之亦不可謂工卽爲官今故但節敘大略于此不復
著之于表

禮記月令命工師令百工審五庫之量鄭康成註工師司

空之屬官也

孔穎達疏周禮無工師知是司空屬官者以司空掌工巧此稱工巧師長故知司空之屬

謹案匠師工師鄭康成皆以爲司空之屬而職掌則未

之詳以義推之匠師即後世大匠之職蓋掌營建國邑宗廟者魯匠師慶諫丹楹刻桷此即其證當如今之營繕司工師主工巧則掌造作器物者故月令又有命工師效功按度程必功致為上之文當如今之製造庫也春秋襄公二十五年左傳昔虞闕父為周陶正杜預註當周之興闕父為武王陶正

謹案列仙傳稱甯封子為黃帝陶正其說荒誕不足信然亦可見搏埴之工其來已久蓋即考工記之陶人如今之琉璃窰監督也

周禮秋官條狼氏下士六人胥六人徒六十八人鄭康成註杜子春云條當為滌器之滌除也狼狼扈道上賈公彥疏狼扈道上

者謂不織之物在道猶今言狼籍也

謹案周禮野廬氏達國道路至于四畿而遂師巡其道修候人掌其道治皆在野外至國中之道路則條狼氏專司焉滌除狼扈而使之潔清正如今街道廳之職也

周禮地官山虞每大山中士四人下士八人府二人史四人胥八人徒八十八人中山下士六人史二人胥六人徒六十人小山下士二人史一人徒二十八人掌山林之政令物為之厲而為之守禁鄭康成註虞度也度知山之大小及所生者林衡每大林麓下士十有二人史四人胥十有一人徒百有二十人中林麓如中山之虞小林麓如小山之虞掌巡林麓之禁令而平其守若斬木材則受法于山虞而掌其政令鄭康成註衡平

職官考卷十四
也平林麓之大
小及所生者
川衡每大川下士十有二人史四人胥十
有二人徒百有二十人中川下士六人史二人胥六人徒
六十人小川下士二人史一人徒二十人掌巡川澤之禁
令而平其守澤虞每大澤大藪中士四人下士八人府二
人史四人胥八人徒八十八人中澤中藪如中川之衡小澤
小藪如小川之衡掌國澤之政令爲之厲禁

謹案國語齊語山立三虞澤立三衡三虞者大山大林
麓中山中林麓小山小林麓二衡者大川大澤藪中川
中澤藪小川小澤藪當時侯國之制並同蓋皆以官分
地而巡守之故非一職正如漢之郡國都水官後世子
尚書立虞部明改曰虞衡其名雖沿周官之舊而實則

稍殊然掌山澤採捕之禁令則固未之有改也今以山
虞以下四職著之于表以明權輿所自至虞人又爲田
獵之官周禮所謂山虞萊山田之野澤虞萊澤野以致
禽而珥者其職正與今圍場總管相近今亦並從互見
焉

周禮夏官司險中士二人下士四人史二人徒四十人設
國之五溝五涂而樹之林以爲阻固皆有守禁而達其道
路

周禮天官凌人下士二人府二人史二人胥八人徒八十
人掌冰正歲十有一月令斬冰三其凌春始治鑑夏頒冰
掌事秋刷

謹案司險掌設五溝五涂杜佑以為即後世水部之職所自出今並係之于表至納冰之制唐宋掌之禮部今則改屬工曹故凌人一官亦著之都水司沿革云

唐六典工部尚書周之冬官卿侍郎周之小司空中大夫也大司空屬官有下大夫蓋郎中之任地官有山虞澤虞蓋虞部之職也

秦

杜佑通典秦有將作少府掌治宮室

謹案自六官之制既廢秦漢始設九寺大卿以統庶事逮隋唐復建六部而寺監之官仍相沿並置故有戶部復有司農寺有禮部復有太常寺有兵部復有太僕寺

有刑部復有大理寺是皆周司徒宗伯司馬司寇之職事而分析別領于他官者也惟工官之任歷代雖有將作都水二監而明代即併入工部至今仍之別無分署故今之營繕都水二清吏司實兼有此二監之職謹並係之工部沿革以明官制分合之由至大匠少匠監少監諸官其品位不參八座未可以當冬官卿貳故不列于表而左右校甄官署諸令丞則仍按曹司分屬說具於後

漢

章俊卿山堂考索漢成帝綏和元年御史大夫改為大司空後漢以司空為三公

後漢書百官志司空公一人掌水土事凡營起城邑浚溝
洫修墳防之事則議其利建其功凡四方水土功課則奏
其殿最而行賞罰

謹案漢司空所掌雖亦本三代事官舊典然當時備位
三公乃宰相之職與後世工部之列六尚書者不同今
故係之內閣表內其魏晉以後司空之官俱視此例別
詳內閣篇云

鄭樵通志漢成帝置尚書郎四人其一入主戶口墾田蓋
尚書屯田郎之始也

通典成帝初置尚書有民曹後漢光武改主繕修功作鹽
池園苑

漢書百官公卿表將作少府有兩丞左右中候景帝中六
年更名將作大匠屬官有石庫東園主章左右前後中校

七令丞如淳曰章謂大材也舊將作大匠主材吏名章曹
掾師古曰東園主章掌大材以供東園大匠也

又主章長丞師古曰掌
凡大木也武帝太初元年更名東園主章為

木工成帝陽朔三年省中候及左右前後中校五丞

後漢書百官志將作大匠一人二千石掌修作宗廟路寢
宮室陵園木土之工並樹桐梓之類列于道側丞一人六
百石左校令一人六百石掌左工徒丞一人右校令一人
六百石掌右工徒丞一人

太平御覽將作大匠世祖以謁者領其官章帝建初元年
乃置其位次河南尹

謹案將作大匠卽唐虞其工之官正當今工部營繕司之職其所屬東園主章令丞主章長丞專掌木材則如今之木倉及皇木厰監督至左右校專主工役則亦如今之營繕司又後漢書蘇不韋傳載李嵩爲大司農右校芻廩在寺北垣下不韋潛入廩中云云則又如今之有柴薪厰也

漢書百官公卿表太常屬官有都水長丞如清曰律都水治渠堤水門三

輔黃圖云三輔皆有都水也水衡都尉都水長丞屬焉

後漢書百官志郡有都水官隨事廣狹置令長及丞

唐六典漢成帝以都水官多置左右使者各一人劉向護

左都水使者是也至哀帝罷之後漢省都水以屬郡國而

置河隄謁者五人

通典漢有都水長丞主陂池灌溉保守河渠自太常少府及三輔等皆有其官

謹案都水之官實昉于漢而命名之義則史未之詳考尚書禹貢大野既豬彭蠡既豬滎波既豬史記夏本紀皆作既都被孟豬則作被明都註引鄭康成云南方謂都爲豬孔安國曰水所停曰豬字彙補曰都水所聚也是都豬二字相通蓋都水之職在固隄防障陂澤故取周官稻人以豬蓄水之義以爲名也其事關邦土正司空所掌之一端而漢代都水屬水衡太常晉以後別爲都水臺及都水監俱各置官僚宋世雖併入工部旋又

職官表卷十四
復置至明始罷其職今取歷代建置本末具載于篇以明都水司職守所自至漢水衡都尉雖以衡官為名而所司乃林苑池籩當如今之奉宸苑之職今故別係諸內務府表內焉

〔漢書百官公卿表〕少府有考工室東園匠令丞武帝太初元年更考工室為考工臣瓚曰冬官為考工主作器械也

〔後漢書百官志〕考工令一人六百石主兵器及織綬諸雜工左右丞各一人屬太僕

謹案漢之考工令丞及東園匠令丞主作器具雜物蓋如今製造庫之職也

〔周禮鄭康成註〕比較治道者名若今次金敘大功賈公彥

疏漢時主役之官官名次金敘主以丈尺賦功謹案次金敘不見于漢書其職主以丈尺賦功則當如今工部之料估所矣

〔唐六典註〕後漢將作大匠屬官有前後中甄官令丞謹案後漢百官志無甄官令丞唐六典未知何據然考三國吳志孫堅傳稱堅軍城南甄官井上旦有五色氣堅令人入井探得傳國璽則後漢實有是官蓋如今之琉璃窑監督也

三國

〔通典〕漢民曹主繕修功作魏置左民尚書亦領其職謹案漢民曹尚書魏左民尚書雖主繕修工役之事而

其名實為民部所承非工曹沿革今俱係諸戶部表內不列於此

宋書百官志魏世有虞曹水部郎

冊府元龜魏九卿與漢同惟并將作之左校于材官又以水衡都尉主天下水軍舟船器械

唐六典後漢有材官校尉魏并左校於材官署

謹案魏晉以後之材官校尉材官將軍其職專掌營繕故取材木之義以為名非若漢書所謂材官騎士也

高祖紀巴蜀材官張晏註材官有材力者與此不同又通典稱魏并左校右校入

材官而唐六典冊府元龜但言并左校是魏世尚有右校令矣通典殆誤衍一右字歟

晉

馬端臨文獻通考晉始有屯田尚書及太康中謂之田曹後復為屯田

晉書百官志晉受命武帝置虞曹屯田起部水部曹郎及江左無屯田郎康穆以後又無虞曹郎但有起部水部曹郎後又省光祿勳統東園匠令

唐六典晉將作大匠置功曹主簿五官等員掌土木之役過江後不常置少府屬官有左校無右校其職蓋并于左校又改材官校尉為將軍後復罷左校令又少府領甄官署令掌磚瓦之任又有甄官丞

晉書百官志都水使者漢水衡之職也漢有都水長丞屬

太常東京省都水置河堤謁者魏因之及武帝省水衡置都水使者一人以河堤謁者為都水官屬及江左省河堤謁者置謁者六人

通典晉省水衡置都水臺掌舟航及運部元康中復有水

衡都尉

元康百官名及晉起居注曰陳慎戴熊俱以都水使者領水衡都尉

謹案自魏以水衡主舟船器械晉則都水使者兼領之亦主舟航運部正如今工部虞衡都水二司之職與漢制不同故並附著于此

宋齊梁陳

通典晉宋以來有起部尚書不常置每營宗廟宮室則權置之事畢則省以其事分屬都官左民尚書

孫逢吉職官分紀宋高祖始置水部起部曹郎

南齊書百官志度支尚書領起部曹都官尚書領水部曹起部尚書興立宗廟權置事畢省

唐六典宋齊左民郎中兼知屯田事梁陳並為侍郎

隋書百官志梁尚書省置虞曹起部屯田水部等郎陳承梁皆循其制官

宋書百官志將作大匠一人丞一人有事則置無則省材官將軍一人司馬一人主工匠土木之事漢左右校令其任也魏右校又置材官校尉主天下材木事晉江左改材官校尉曰材官將軍又罷左校令今材官隸尚書起部及領軍

南齊書百官志將作大匠不常置掌宮廟土木材官將軍一人司馬一人屬起部亦屬領軍

隋書百官志梁天監七年以將作大匠為大匠卿掌土木之功統左右校諸署陳大匠卿品第三

冊府元龜梁大匠卿班第十又置丞一人班第三又置將作營作又別立長史司馬主簿各一員

唐六典宋齊梁陳有左校令丞別置材官將軍司馬右校令丞宋齊梁陳皆無

謹案唐六典稱宋齊梁陳無右校杜氏通典亦同而隋書百官志乃謂梁大匠卿統左右校與六典不合疑隋書誤也又案南齊書王敬則傳高帝將受禪材官薦易

太極殿柱王延之傳宋明帝即勅材官為起三閒齋屋梁書謝朓傳朓到京師勅材官起府于舊宅良吏沈瑀傳宋明帝使瑀築赤山塘所費減材官所量數十萬是當時興築修濬之役多以屬之材官實兼有今營繕都水二司之職事矣

王應麟玉海宋齊有陶官

唐六典宋齊有東西陶官瓦署督各一人

隋書百官志梁少府置甄官署令丞又細作令作堂金銀局丞木局丞湖西磚屯丞湖東磚屯丞為三品蘊位

謹案江左諸朝惟梁官制稍備其甄官令本承漢晉之舊而磚屯丞並掌搏埴亦當如今琉璃窰監督至木局

職官考卷十四
承當如今之木倉監督細作令作堂金銀局丞則當如今之製造庫矣

〔通典〕宋孝武帝初省都水臺罷都水使者置水衡令孝建元年復置

〔冊府元龜〕齊復置都水臺使者一人梁改都水使者為大舟卿又置丞主簿陳如梁制

〔隋書百官志〕梁大舟卿主舟航堤渠

北魏

〔魏書官氏志〕太和十五年置司空虞曹官

〔唐六典〕後魏有起部郎中屯田郎中虞曹郎中水部郎中

〔冊府元龜〕魏將作大匠從第一品後降為從二品其丞從

五品後降為第五品下分建都水使者正第四品中水衡都尉從五品中後改都水使者從五品而省水衡又有都水參軍六人

〔謹案〕魏書李靈傳靈孫道官尚書度支郎遷洛為營構將又韋閔傳天水姜昭為營構都將又李彪傳李志為永寧寺典作副將其名俱不見於史志疑因工作暫置之官正如今之管理工程大臣及監督也又高道悅傳稱洛京廟庫未構高祖將水路幸鄴詔都水回營構之材以造舟楫是魏世都水使者亦主舟航蓋尚沿晉制矣

北齊

隋書百官志後齊尚書省祠部統虞曹

掌地圖山川遠近園囿田獵殺膳雜

味等

屯田

掌耕田諸州屯田等事

起部

掌諸興造工匠等事

都官統水部

掌舟

梁公私

郎中並一人虞曹量事置掌故主事員○都水臺

管諸津橋使者二人參事十人又領都尉合昌坊城等二

局尉皆分司諸津橋○太府寺統細作左校甄官等署令

甄官署又別領石窟丞○將作寺掌諸營建大匠一人丞

四人亦有功曹主簿錄事員若有營作則立將副將長史

司馬主簿錄事等各一人

謹案北齊都水臺但管津橋是歷代所為舟航堤渠之

職掌已漸移於水部矣

後周

太平御覽後周書曰冬官謂之大司空掌邦事以五材九

範之法佐皇帝富邦國

之籍而理其禁令

通典後周官品正七命大司空正六命小司空上大夫正

五命冬官工部匠師司木司土司金司水等中大夫正四

命地官虞部下大夫冬官小匠師小司木小司土小司金

小司水司玉司皮司色司織司卉等下大夫正三命地官

小虞部上士冬官工部小匠師內匠外匠掌材小司木小

司土小司金鍛工函工小司水典壅小司玉小司皮小司

色小司織小司卉等上士正二命地官山虞澤虞林衡川

職官表卷十四
衡等中士冬官工部內匠外匠司量司準司度掌材車工
角工彝工器工弓工箭工盧工復工陶工塗工典井冶工
鑄工鍛工函工雕工典壅掌津舟工典魚典瓦瑤工磬工
石工裘工履工鞞工韋工織絲織綵織桌織組竹工
籍工罟工紙工等中士正一命地官山虞澤虞林衡川衡
等下士冬官工部旅司量司準司度掌材車工角工彝工
器工弓工箭工盧工復工陶工塗工典井冶工鑄工鍛工
函工雕工典壅掌津舟工典魚典瓦瑤工磬工石工裘工
履工鞞工韋工膠工毳工績工漆工油工弁工織絲
織綵織桌織組竹工籍工罟工紙工等下士

謹案後周仿周禮設官其冬官之屬最爲繁冗以今制

準之約略可見者如營繕司本周司空之考而在唐宋
爲頭司當有匠師工部之職虞衡司本出虞部而今制
專掌鼓鑄兵器造車及作度量權衡之事則又當有鍛
工函工冶工鑄工車工司量司準司度之職都水司蓋
卽司水而兼主船政織造則又當有掌津舟工司織司
弁之職屯田司今主匠役則當有內匠外匠之職至司
木掌材如木倉監督陶工如琉璃窰監督而今之製造
庫所掌工作較多則凡司玉司皮司色雕工韋工膠工
毳工績工之屬皆其職矣

隋

〔隋書百官志〕高祖受命置尚書省工部尚書統工部屯田

侍郎各二人虞部水部侍郎各一人都水臺使者及丞各
二人參軍三十人河堤謁者六十人錄事二人領掌船局
都水尉二人又領諸津上津每尉一人丞二人中津每尉
丞各一人下津每典作一人津長四人太府寺統甄官署
令二人丞四人將作寺大匠一人丞主簿錄事各二人統
左右校署令各二人丞左校四人右校三人各有監作左
校十二人右校八人開皇三年廢都水臺入司農十三年
復置都水臺二十年改將作寺為監以大匠為大監初加
置副監煬帝即位尚書六曹各置侍郎一人以貳尚書之
職諸曹侍郎並改為郎又改工部為起部郎以異六侍郎
之名將作監改大監少監為大匠少匠統左右校及甄官
署又改大匠為大監少匠為少監又改監少監為令少令
都水監改為使者統舟楫河渠二署又改使者為監加置
少監又改監少監為令少令

〔通典〕至隋乃有工部尚書蓋因後周工部之名兼前代起
部之職

謹案工部自隋代始列六曹而其時營建工作尚多領
之少府將作少府如今內務府將作則今營繕司故以巧藝著名如宇文
愷劉龍閣毗何稠雲定興等皆嘗官將作監而宇文愷
傳又稱其為營宗廟副監營新都副監營東都副監則
皆因事特置如今之

欽派管理工程大臣非常制也又何稠傳稱高祖為丞相以

稠掌細作署蓋卽梁齊之細作令而隋志無其官殆後
經載併歟

南海桂銘球初校

益陽蔡芳覆校

番禺陶福祥再覆校

欽定歷代職官表卷十四

欽定歷代職官表卷十五

工部下

歷代建置下

唐

新唐書百官志工部尚書一人正三品侍郎一人正四品
下掌山澤屯田工匠諸司公廨紙筆墨之事其屬有四一
曰工部二曰屯田三曰虞部四曰水部工部郎中員外郎
各一人掌城池土木之工役程式爲尚書侍郎之貳凡京
都營繕皆下少府將作共其用役千功者先奏凡工匠以
州縣爲團五人爲火五火置長一人四月至七月爲長功
二月三月八月九月爲中功十月至正月爲短功雇者日

為絹三尺凡津梁道路治以九月工部主事三人屯田主

事二人虞部主事二人水部主事二人武德三年改起部曰工部龍朔二年

曰司平屯田曰司田虞部曰司虞水部曰司川光宅元年

改工部曰冬官天寶十一載改虞部曰司虞水部曰司水

工部有令史十二人書令史二十一一人計史一人亭長六

人掌固八人屯田令史七人書令史十二人計史一人掌

固四人虞部令史四人書令史九人掌固四人

屯田郎中

員外郎各一人掌天下屯田及京文武職田諸司公廨田

以品給焉。虞部郎中員外郎各一人掌京都衢闕苑園

山澤草木及百官蕃客時蔬薪炭供頓畋獵之事每歲春

以戶小兒戶婢仗內蒔種溉灌冬則謹其蒙覆凡郊祠神

壇五岳名山樵採芻牧皆有禁距墮三十步外得耕種春

夏不伐木京兆河南府三百里內正月五月九月禁弋獵

山澤有寶可供用者以聞。水部郎中員外郎各一人掌

津濟船艫渠梁堤堰溝洫漁捕運漕碾磴之事凡坑陷井

穴皆有標京畿有渠長斗門長諸州堤堰刺史縣令以時

檢行而泄其決築有埭則以下戶分牽禁爭利者

舊唐書職官志將作監龍朔改為繕工監光宅改為大匠

一員從三品少匠二員從四品下掌供邦國修建土木工匠之政

令總四署三監百工之官屬以供其職事凡兩京宮殿宗

廟城郭諸臺省監寺廨宇樓臺橋道謂之內外作皆委焉

丞四人主簿二人錄事二人府十四人史二十八人計史

三人亭長四人掌固六人。左校署令二人從八品下丞四人

府六人史十二人監作十人掌供營構梓匠凡宮室樂懸

箕箒兵仗器械喪葬所須皆供之。右校署令二人從八品下
 丞三人府五人史十人監作十人典事十四人掌供版築
 泥塗丹牖之事。中校署令一人從八品下丞三人府三人史
 六人監事四人典事八人掌固二人掌供舟車兵仗廢牧
 雜作器用之事凡行幸陳設供三梁竿柱閑廐供剉確行
 槽祭祀供葛竹塹等。甄官署令一人從八品下丞二人府五
 人史十人監作四人典事十八人掌供琢石陶土之事凡
 石磬碑碣石人獸馬碾磴磚瓦瓶缶之器喪葬明器皆供
 之。百工就谷庫谷斜谷太陰伊陽等監皆在出材之所各一
 人從七品下丞一人府各一人史三人典事各二十一人錄事
 各一人監事四人掌採伐材木

謹案唐制凡興建修築材木工匠俱工部下少府將作
 以供其事與隋代相同蓋將作未併入工部以前工部
 所掌惟程式制度其繕造之務固專屬之將作也

唐六典都水監使者二人正五品上掌川澤津梁之政令
 凡漁捕之禁衡虞之守皆由其屬而總制之凡京畿之內
 渠堰陂池之壞決則下於所由而後修之丞二人從七品
 上主簿一人○舟楫署令一人正八品下丞二人正九品
 下掌公私舟船及運漕之事○河渠署令一人正八品下
 丞一人正九品下掌供川澤魚醢之事○諸津令一人正
 九品上丞一人從九品下各掌其津濟渡舟梁之事

謹案都水之職至唐已全歸於水部故舟楫署在開元

未已廢見新唐書百官志而河渠署所掌不過供祭祀及尚食之魚蠶亦僅存空名而已

五季

五代史本紀梁開平四年工部侍郎杜曉唐同光元年工部郎中李塗天成元年工部尚書任圜四年趙鳳為門下侍郎兼工部尚書周顯德元年工部侍郎景範五年水部員外郎韓彥卿

五代史列傳張憲拜工部侍郎租庸使憲本傳范延光拜檢

校工部尚書延光本傳崔協除工部郎中于鄴盧文紀傳中書舍人

盧價為工部侍郎馮玉傳賈緯為太常博士改屯田員外郎

緯本傳張允鎮累遷水部員外郎知制誥允鎮本傳王延拜補闕

兼水部員外郎延本傳

謹案五季工部官制並依唐制而史文不詳今採見於紀傳者以著其略

宋

宋史職官志工部掌天下城郭宮室舟車器械符印錢幣山澤苑囿河渠之政凡營繕歲計所用財物關度支和市其工料則飭少府將作監檢計其所用多寡之數凡百工其役有程而善否則有賞罰兵匠有關則隨以緩急招募籍坑冶歲入之數若改用錢寶先具模製進御請書造度量權衡則關金部印記則關禮部凡道路津梁以時修治舊制判部事一人以兩制以上充元豐並歸工部其屬三

職官表卷十五
四
曰屯田曰虞部曰水部設官十尚書侍郎各一人工部屯田虞部水部郎中員外郎各一人元祐元年省水部郎官一員紹聖元年詔屯田虞部互置郎官一員兼領○尚書掌百工水土之政令稽其功緒以詔賞罰總四司之事侍郎爲之貳若制作營繕計置採伐所用財物按其程式以授有司郎中員外郎參掌之應官吏兵民緣本曹事有功賞罪罰則審實以上尚書省若諸監鼓鑄錢寶按年額而課其數因其登耗以詔賞罰凡車輦飭器印記之造則少府監文思院隸焉甲兵器械之制則軍器所隸焉有合支物料工價則申於朝以屬戶部建炎併將作少府軍器監並歸工部是時營繕未遑惟戎器方急紹興二年詔於行

在別置作院造器甲令工部長貳提點郎官逐旬點檢少府監既歸工部文思院上下界監官並從本部辟差又詔御前軍器所隸工部隆興以後宮室器甲之造寢稀且各分職掌部務益簡特提其綱要焉分案六曰工作曰營造曰材料曰兵匠曰檢法曰知雜又專立一案以御前軍器案爲名裁減吏額共置四十二人○侍郎掌貳尚書之事南渡初長貳互置隆興詔各置一員○郎中員外郎舊制凡制作營繕計置採伐材物按程式以授有司則參掌之建炎三年詔工部郎官兼虞部屯田郎官兼水部隆興元年詔工部屯田共一員兼領自此四司合爲一矣淳熙九年以趙工虞爲屯田員外郎自是不復省○屯田郎中員

職官表卷十五
外郎掌屯田營田職田學田官莊之政令及其租入種刈
興修給納之事凡塘灤以時增減堤堰以時修葺并有司
修葺種植之事以賞罰詔其長貳而行之分案三置吏八
○虞部郎中員外郎掌山澤苑囿場冶之事辨其地產而
爲之厲禁凡金銀銅鐵鉛錫鹽礬皆計其所入登耗以詔
賞罰分案四置吏七○水部郎中員外郎掌溝洫津梁舟
楫漕運之事凡堤防決溢疏導壅底以時約束而計度其
歲用之物修治不如法者罰之規畫措置爲民利者賞之
分案六置吏十有三紹興累減吏額四司通置三十三人
〔文獻通考〕文思院宋太平興國三年置掌造金銀犀玉工
巧之物金彩繪素裝鈿之飾以供輿輦冊寶法物及凡器

服之用隸少府監紹興三年詔少府監併歸文思院其監
官從工部辟差工部言所轄文思院舊分上下界監官二
員內一員文臣係京朝官上界造作金銀珠玉下界造作
銅鐵竹木雜料欲依舊分爲上下界從之隆興二年詔併
禮物局入文思院

〔李心傳〕建炎以來朝野雜記四提轄文思院其一也監官
分上下兩界而轄官兼綜之先是轄官外補爲州內遷則
寺監丞簿近歲望稍輕往往更遷六院官或出爲添倅

謹案文思院爲宋四轄官之一初屬少府監後乃併隸
工部蓋卽如今之製造庫其以文思爲名則取考工記
量銘時文思索允臻其極之義也

宋史職官志將作監舊制判監事一人以朝官以上充元豐官制行始正職掌置監少監各一人丞主簿各二人監掌宮室城郭橋梁舟車營繕之事少監爲之貳丞參領之凡土木工匠板築造作之政令總焉辨其才幹器物之所須乘時儲積以待給用庀其工徒而授以法式凡營造有計帳則委官覆視定其名數驗實以給之歲以二月治溝渠通壅塞乘輿行幸則預戒有司潔除均布黃道凡出納籍帳歲受而會之上於工部熙寧初以嘉慶院爲監其官屬職事稽用舊典已而盡追復之元祐七年詔頒將作監修成營造法式八年又詔本監營造檢計畢長貳隨事給限丞簿覆檢崇寧五年詔將作監應承受前後特旨應副

外路并府監修造差撥人工物料遵執元豐條格不得應副宣和五年詔罷營繕所歸將作監分案五置吏二十有七所隸官屬十○修內司掌宮城太廟繕修之事○東西八作司掌京畿內外繕修之事○竹木務掌收諸路水運材植及抽筭諸河商販竹木以給內外營造之用○事材場掌計度材物前期樸斲以給內外營造之用○麥麩場掌受京畿諸縣夏租麩麩以給坊堰之用○窰務掌陶爲磚瓦以給營繕及餅缶之器○丹粉所掌燒變丹粉以供繪飾○作坊物料庫第三界掌儲積財物以備給用○退財場掌受京畿內外退棄材物掄其長短有差其曲直中度者以給營造餘備薪爨○簾箔場掌抽筭竹木蒲葦以

供簾箔内外之用○建炎三年詔將作監併歸工部紹興三年復置丞仍兼總少府之事十年置主簿一員十一年詔依司農太府寺置長貳一員隆興初宮室無所營繕百工器用屬之文思院以隸工部本監惟置丞一員餘官虛而不除乾道以後人材甚多監少丞簿無關凡臺省之其次與郡邑之有聲者悉寄徑於此自是號爲儲才之地而營繕之事多俾府尹畿漕分任其職焉

文獻通考修內司監官二人以朝官及內侍充東西八作司勾當官各三人以京朝官諸司使副充竹木務勾當官一人以京朝官充事材場監官二人以京朝官三班使臣充麥麩場監官一人以三班使臣充窰務監官三人諸司

使副充丹粉所監官一人內侍充作坊物料庫監官二人以京朝官及內侍三班使臣充退材場監官一人以京朝官充簾箔場監官二人以京朝官充

謹案宋將作監官屬據史所載職掌以今制準之修內司八作司當爲今營繕司之事竹木務事材場當爲今皇木廠木倉二監督之事窰務當爲今窰廠監督之事簾箔場當爲今製造庫所屬門簾庫之事然考曹士冕法帖譜系載有修內司帖爲淳熙十二年修內司奉旨模勒上石又陶宗儀輟耕錄載渡江後有邵成章置窰於修內司造青器名內窰則是修內司又兼司鐫刻陶冶之事不止宮城太廟之工作矣今故互見內務府表

職官考卷十五
內云

李壽續資治通鑑長編嘉祐三年十一月己丑詔曰天下利害繫於水爲深自禹制橫潰功施三代漢用平當領河堤劉向護都水皆當時名儒風迹可觀近世以來水官失職宜修舊制庶以利民其置在京都水監凡內外河渠之事悉以委之應官屬及本司合行條制中書門下裁處以聞以御史知雜呂景初判監鹽鐵判官領河渠司事楊佐同判河渠司勾當公事孫琳王叔夏知監丞事

宋史職官志都水監判監事一人以員外以上充同判監事一人以朝官以上充丞二人主簿一人並以京朝官充輪遣丞一人出外治河埽之事或一歲再歲而罷其有諳

知水政或至三年置局於澶州號曰外監元豐正名置使者一人丞二人主簿一人使者掌中外川澤河渠津梁堤堰疏鑿浚治之事丞參領之凡治水之法以防止水以溝蕩水以滄寫水以陂池瀦水凡江淮海所經都邑皆頒其政令視汴洛水勢漲涸增損而調節之凡河防護其法禁歲計芟楫之數前期儲積以時頒用各隨其所治地而任其責興役至十月止民功則隨其先後毋過一月若導水溉田及疏治壅積爲民利者定其賞罰凡修堤岸植榆柳則視其勤惰多寡以爲殿最南北外都水丞各一人分職莅事卽干機速非外丞所能治則使者行視河渠事元祐四年復置外都水使者五年詔南北外都水丞並以三年

爲任祥符二年詔罷北外都水丞以河事委之漕臣三年復置宣和元年工部尚書王詔言乞選差曾任水官諳練者爲南北兩外丞從之宣和三年詔罷南北外都水丞司依元豐法通差文武官一員分案七置吏三十有七所隸有街道司掌轄治道路人兵若車駕行幸則前期修治有積水則疏導之建炎三年詔都水監置使者一員紹興九年復置南北外都水丞各一員南丞於應天府北丞於東京置司十年詔都水事歸於工部不復置官

續資治通鑑長編嘉祐二年置街道司指揮兵士以五百人爲定額

謹案宋史河渠志凡修濬防築皆領於都水監當時在外者別無專領河務之官故都水監雖立署京師而實綜司措置有事或親往相度蓋兼有今河道總督之職與都水司但掌河工程式者不同至南北外都水丞則置司外郡當如今各省管河道員之職尤與京局有殊今故別詳於河道各官表內至街道司爲都水監屬而嘉祐二年都水監尚未設官已有置街道司指揮兵士之文見於通鑑長編是必先有此職後始來屬特史文不詳其初隸何署耳

章俊卿山堂考索嘉祐中京師大水始取三司之河渠案置都水監元豐官制復以三司胄曹案歸之軍器監修造案之是歸之將作監三監皆隸工部

陸游老學庵筆記元祐初蘇子由爲戶部侍郎建言都水監本三司之河渠案將作監本三司之修造案軍器監本三司之胄案三司今戶部而三監乃屬工部請三監皆兼隸戶部凡有所爲戶部定其事之可否裁其費之多寡而工部任其工之良楛程其作之遲速朝廷從其言爲立法及紹聖中以爲害元豐官制罷之建中靖國中或欲復從元祐已施行矣時豐相之爲工部尚書獨持不可曰設如都水監塞河軍器監造軍器而戶部以爲不可則已矣若以爲可則併任其事可也今若戶部吝其費裁損之乃令工部任河之決塞器之利鈍爲工部者不亦難乎議遂寢謹案據章俊卿陸游所記則宋之將作都水二監雖各

置長貳實爲工部所統屬故都水後遂併入工部將作雖復置而歲會籍帳亦必上於工部也至軍器一監其職亦今虞衡司所有事而當時御前軍器皆歸其造作與今武備院所掌尤近故列入內務府表內焉

遼

遼史百官志宣徽北院太宗會同元年置掌北院御前祇應之事○北院宣徽使○知北院宣徽事○北院宣徽副使○同知北院宣徽事○宣徽南院會同元年置掌南院御前祇應之事○南院宣徽使○知南院宣徽事○南院宣徽副使○同知南院宣徽事

遼史本紀聖宗統和元年虞部員外郎崔祐分決滯獄開

泰二年戶部侍郎劉涇加工部尚書興宗景福元年十月
工部尚書高德順使宋重熙十七年將作少監王全使夏
遼史文學傳李澣授翰林學士穆宗即位累遷工部侍郎
遼史百官志諸監職名有將作監都水監

謹案遼北面官僚以宣徽視工部而所司乃御前祇應
之事則當兼有漢唐少府職事也至南面官僚史志不
詳今參考紀傳所載職名略著一二以見當時工部及
將作都水二監設官之大概焉

金

〔金史百官志〕工部尚書一員正三品侍郎一員正四品郎
中一員從五品掌修造營建法式諸作工匠屯田山林川

澤之禁江河堤岸道路橋梁之事員外郎一員從六品貞祐

五年兼覆實司官主事二員從七品合史十八人內女直

天德二年增二員一覆實司管勾一員從七品隸戶工部掌覆實營造材物

工匠價值等事太安元年隸三司工部罷同管勾貞祐五

從省擬不令文思署令從六品丞從七品掌造內外局

分印傘浮圖金銀等尚輦儀鸞局車具亭帳之物屬少府

監。都水監正四品掌川澤津梁舟楫河渠之事少監從

五品丞正七品街道司管勾正九品掌灑掃街道修治溝

渠。都城所提舉從六品同提舉從七品掌修完廟社及

城隍門鑰百司公廨係官舍屋并栽植樹木工役等事左

右廂官各二員正八品掌監督工役受給官二員正八品

掌支納諸物及埏埴等事甄官署令從六品丞從七品直
長正八品掌劓石及埏埴之事右皆屬尚書工部。八作
左右院掌收軍須軍器。中都木場使一員從八品副使
一員判官一員皆正九品掌拘收材木諸物及出給之事

司吏一人庫子四人
花料一人木匠一人

謹案金工部覆實司管勾當即今料估所之職故亦多
以員外郎主事兼之其都城提舉司專掌工役則如今
營繕司之職八作院專主兵器則又如今虞衡司之職
而中都木場使拘收材木則今木倉木廠之職也至都
水監之制與宋略同其別置外監蓋即宋之外都水丞
今故列入河道諸官篇內云

元

〔元史百官志〕工部尚書三員正三品侍郎二員正四品郎
中二員從五品員外郎二員從六品掌天下營造百工之
政令凡城池之修濬土木之繕葺財物之給受工匠之程
式銓注局院司匠之官悉以任之世祖中統元年右三部
置尚書二員侍郎二員郎中五員員外郎五員內二員專
署工部事至元元年始分立工部尚書四員侍郎三員郎
中四員員外郎五員三年復合為右三部七年仍自為工
部尚書二員侍郎仍二員郎中三員員外郎如舊二十三
年定尚書侍郎郎中員外郎各以二員為額明年以曹務
繁冗增尚書二員二十八年省尚書一員首領官主事五

員蒙古筆且齊

解見吏部篇

六人令史四十二人回回令史四

人克埒穆爾齊

解見吏部篇

一人知印一人奏差三十人蒙古

書寫一人典史七人又司程官四員右三部照磨一員典

史七人其屬諸色人匠總管府秩正三品掌百工之技藝

置達嚕噶齊

解見戶部倉場衙門篇

一員總管一員同知二員副總

管二員經歷一員知事一員提控案牘一員令史五人譯

史一人奏差四人提舉都城所秩從五品提舉二員同提

舉二員副提舉二員吏目一員照磨一員掌修繕都城內

外倉庫等事至元三年置受給庫秩正八品提領一員大

使一員副使一員掌京城內外營造木石等事至元十三

年置光熙門窰場提領一員大使一員副使一員給從八

品印至元二十五年置

陶宗儀南村輟耕錄工部有覆實司

富大用事文類聚大元工部置令史分掌名頭以尚書為

長

謹案元之工部官屬名目甚多今以職守互相參考惟

諸色人匠總管似今之製造庫提舉都城所亦今營繕

司所掌之一端受給庫似今之木倉窰場提領似今之

窰廠故並著之於表而其餘則概從略焉至元代左右

八作司掌出納內府器物與宋金專領繕造者不同今

別入內務府表內又覆實司見輟耕錄蓋沿金舊制所

設而元志不載當屬脫漏今並加考補同繫於表

元史百官志天都留守司兼理營繕內府諸邸都宮原廟其屬修內司秩從五品掌修建宮殿及大都造作等事提點一員大使一員副使一員直長五員吏目一員照磨一員部役七員司吏六人中統二年置其屬大木局提領七員管勾三員掌殿閣營繕之事中統二年置小木局提領一二員同提領一員副提領三員管勾二員提控四員中統四年置大都四窰場秩從六品提領大使副使各一員營造素白琉璃磚瓦至元十三年置其屬南窰場大使副使各一員中統四年置西窰場大使副使各一員至元四年置琉璃局大使副使各一員中統四年置木場提領一員大使一員副使一員掌受給營造宮殿材木至元四年置

南東二木場十七年併爲一場○都水監秩從三品掌治河渠并堤防水利橋梁牐堰之事少監一員正五品監丞二員正六品經歷知事各一員令史十人蒙古筆且齊見解吏部篇一人回回令史一人通事知印各一人奏差十人壕寨十六人典吏二人至元二十九年領河道提舉司大德六年陞正三品延祐七年仍從三品

事文類聚都水監舊水部之職也

謹案元之大都留守司本名宮殿府行工部至元十九年始改置是其職原爲工部分曹而其後所掌事繁遂兼有今內務府步軍統領之職今以所屬修內司四窰場木場與今營繕司琉璃窰廠皇木廠官制相合故繫

之於此而其他則各從互見至所云大木局小木局者
考虞集經世大典謂木工之名則一而藝有大小如營
建宮室則大木之職若舟車以濟不通几案以適用皆
小木之爲其命名之意蓋本諸此亦史所未及也又案
齊履謙作郭守敬行狀稱守敬初爲都水監至元十三
年都水監併入工部遂除工部郎中二十八年復置都
水監俾守敬領之是都水監先曾廢入工部後始復設
而虞集經世大典敘錄又稱大德間改修橋梁都水監
計料工部應付工物委官督工據此則凡興作仍領於
工部都水監不過司其料估程式故富大用以爲水部
舊職歟

明

明史職官志工部尚書一人正二品左右侍郎各一人正三品

其屬司務廳司務二人從九品營繕虞衡都水屯田四清吏

司各郎中一人正五品後增設都員外郎一人從五品後

司員外郎二人虞主事二人正六品後增設都水司主事

衡司員外郎一人所轄營繕所所正一人正七品所副二人正八品

田司主事一人屯所丞二人正九品文思院大使一人正九品副使二人從九品

皮作局大使一人正九品副使二人從九品鞍轡局大使一

人正九品副使一人從九品隆慶元年顏料局大使一人正九品

革軍器局大使一人正九品副使二人後革節慎庫大使

一人從九品嘉織染所雜造局大使一人正九品副使一人

職官表卷十五 工部下 廣雅書局

從九品廣積通積盧溝橋通州白河各抽分竹木局大使各

一人副使各一人大通關提舉司提舉一人正八品萬曆二年革

提舉二人正九品典史一人後副提舉典史俱革柴炭司大使一人從九品

副使一人尚書掌天下百工山澤之政令侍郎佐之營

繕典經營興作之事凡宮殿陵寢城郭壇場祠廟倉庫廨

宇營房王府邸第之役鳩工會材以時程督之凡鹵簿儀

仗樂器移內府及所司各以其職治之而以時省其堅潔

而董其窳濫凡工匠二等曰輪班三歲一役役不過三月

皆復其家曰住坐月役一旬有稍食工役二等以處罪人

輸作者曰正工曰雜工雜工三日當正工一日皆視役大

小而揆節之凡物料儲待曰神木廠曰大木廠以蓄材木

曰黑窯廠曰琉璃廠以陶瓦器曰臺基廠以貯薪葦皆籍

其數以供修作之用虞衡典山澤採捕陶冶之事凡鳥獸

之肉皮革骨角羽毛可以供祭祀賓客膳羞之需禮器軍

實之用歲下諸司採捕水課禽十八獸十二陸課獸十八

禽十二皆以其時冬春之交罝罟不施川澤春夏之交毒

藥不施原野苗盛禁蹂躪穀登禁焚燎若害獸聽為陷窞

獲之賞有差凡諸陵山麓不得入斧斤開窰冶置墳墓凡

帝王聖賢忠義名山岳鎮陵墓祠廟有功德於民者禁樵

牧凡山場園林之利聽民取而薄征之凡軍裝兵械下所

司造同兵部省之必程其堅緻凡陶甄之事有歲供有暫

供有停減籍其數會其入毋輕毀以費民凡諸冶飭其材

審其模範付有司錢必準銖兩進於內府而頒之牌符火器鑄於內府禁其以法式洩於外凡顏料非其土產不以征都水典川澤陂池橋道舟車織造券契量衡之事水利曰轉漕曰灌田歲儲其金石竹木卷埽以時修其閘壩洪淺堰圩隄防謹蓄洩以備旱潦無使壞田廬墳隧禾稼舟楫磴碾者不得與灌田爭利灌田者不得與轉漕爭利凡諸水要會遣京朝官專理以督有司役民必以農隙不能至農隙則傭功成之凡道路津梁時其葺治有巡幸及大喪大禮則修除而較比之凡舟車之制曰黃船以供御用曰遮洋船以轉漕於海曰淺船以轉漕於河曰馬船曰風快船以供送官物曰備倭船曰戰船以禦寇賊曰大車曰

獨轆車曰戰車皆會其財用酌其多寡久近勞逸而均劑之凡織造冕服誥勅制帛祭服淨衣諸幣布移內府南京浙江諸處周知其數而慎節之凡公侯伯鐵券差其高廣凡祭器冊寶乘輿符牌雜器皆會則於內府凡度量權衡謹其校勘而頒之懸式於市而罪其不中度者屯田典屯種抽分薪炭夫役墳塋之事凡軍馬守鎮之處其有轉運不給則設屯以益軍儲其規辦營造木植城磚軍營官屋及戰衣器械耕牛農具之屬凡抽分征諸商視其財物各有差凡薪炭南取洲汀北取山麓或徵諸民有本折色酌其多寡而撙節之夫役伐薪轉薪皆傭役凡墳塋及堂碑碣獸之制第宗室勳戚文武官之等而定其差洪武初置

工部及官屬以將作司隸焉

吳元年置將作司卿正三品少卿正四品左右提舉司提

舉正六品同提舉從六品司程典簿副提舉正七品軍需庫大使從八品副使正九品洪武元年以將作司隸工部

六年增尚書侍郎各一人設總部虞部水部并屯田為四

屬部總部設郎中員外郎各二人餘各一人總部主事八

人餘各四人又置營造提舉司

洪武六年改將作司為正六品所屬提舉司改正七

品尋更置營造提舉司及營造提舉分司每司設正提舉一人副提舉二人隸將作司八年增立四

科科設尚書侍郎郎中各一人員外郎二人主事五人照

磨二人十年罷將作司十三年定官制設尚書一人侍郎

一人四屬部以屯田部為屯部各郎中員外郎一人主事二人十

五年增侍郎一人二十二年改總部為營部二十五年置

營繕所改將作司為營繕所秩正七品設所正所二十九副所丞各二人以諸匠之精藝者為之

年又改四屬部為營繕虞衡都水屯田四清吏司嘉靖後

添設尚書一人專督大工

明史劉麟傳工部四司財物悉貯後堂大庫司官出納多

侵漁麟請特除一郎官主之帝稱善因賜名節慎庫

孫承澤春明夢餘錄劉麟奏建庫疏云本部蓋有大庫一

座欲量加修葺比照戶部太倉庫添設庫官庫吏限以收

放之期定以查盤之法按季輪差郎中員外郎等官一員

監管其事

明史食貨志嘉靖中修工部舊庫名曰節慎庫以貯礦銀

尚書文明以給工價帝詰責之令以他銀補償自是專以

給內用焉

春明夢餘錄冬官治土地故自唐宋以來司空署有屯田司其說亦有本今六卿之職大異周官而明制屯軍之牛具農器屬於工部屯田司則其意自有在後問其官所職何事亦不知矣

謹案將作監明初改爲將作司尋隸工部爲營繕所其都水監之職亦於明初始廢而改水部爲都水司其宋元之外都水監行都水監則別置總河都御史以治其事於是歷代將作都水兩官其職皆專屬於工部矣又案明代興作之事其初悉歸工部厥後漸以宦官督理蓋自永樂中已遣太監阮安營北京城池宮殿諸司府解工部特奉行而已嗣自內臣日益恣橫往往擅興

工役侵漁乾沒不可殫計如成化時李廣建顯靈宮及諸祠廟至帑金七窖皆盡他若炭廠窰場亦多以內豎爲提督以致侵撓有司刻剝閭里工匠廝役傳奉得官其弊皆由之而出我

國家飭材庀工法式具備凡有營建繕完皆由工部及內務府奏請領以大臣董以司屬先之估計以受其值繼之銷算以會其成執藝在官悉由和顧期限適中出納有準是以物無浮費役無曠功考工之制誠爲遠軼周官矣

欽定歷代職官表卷十五

南海桂銘球初校
益陽蔡芳覆校
番禺陶福祥再覆校

欽定歷代職官表卷十六

戶工二部錢局表

郎侍法錢理督部二工戶	
	三代秦漢
	後漢
	蜀漢 司金中 郎將 魏 司金都 尉
	晉
	宋齊 梁陳
	北魏 鑄錢都 府
	北齊 後周 隋
	唐 鑄錢使 鑄鐵使 鑄鐵使
	五季宋 都大提 鑄錢師 點鑄師 公事 提點鑄 錢司 提領鑄 錢司
	遼 金 元 鑄監 提控鑄
	明 督理錢 法侍郎

職官表卷十六 戶工二部錢局表

廣雅書局印

戶工二部錢局

國朝官制

戶工二部督理京省錢法右侍郎滿洲漢人各一人

凡

京師鼓鑄統設二局隸戶部者曰寶泉局歲鑄錢六十一卯

以萬二千四百八十緡為卯隸工部者曰寶源局歲鑄錢七十一卯以

千二百四十九緡遇閏則皆加鑄四卯其局之政令各以

二百七十七文為卯其部之右侍郎掌之初止漢人右侍郎一人康熙十八年

令滿洲右侍郎一人公同督理十九年以給事中御史稽

查錢局雍正二年停遣乾隆二十六年戶部錢法堂置掌

稿司官滿洲漢人各一人於各司屬中選委工部未置

戶部寶泉局監督滿洲漢人各一人大使滿洲五人工部寶源局監督滿洲漢人各一人大使滿洲二人

掌鑄造緡錢收納銅課以裕

國儲以利民用其監督俱無專員由六部滿漢司官遴選保舉引

見簡用二年而代大使由本部筆帖式選委咨吏部註冊五年而代稱職者以應升官用寶泉局監督順治元年定設滿洲漢人各一人寶源局監督初置三人康熙十七年改定二人寶泉局大使初設漢人一人雍正四年以寶泉局分設四廠增置漢人大使四人七年改漢大使俱爲滿大使寶源局初止設筆帖式一人雍正七年改置大使二人

各省錢局監鑄官十有八人

凡天下鼓鑄緡錢者十有四省新疆則開鑪伊犁如各省之制皆隨其地之宜作之泉布以交易流通前民利用以布政使等總其成而受法式於戶部各置監鑄官以判局事直隸寶直局一人以保定府同知充山西寶晉局一人陝西寶陝局一人江蘇寶蘇局二人俱以佐貳官選充浙江寶浙局二人以同知通判選充福建寶福局一人亦以佐貳官選充江西寶昌局一人以南昌府同知充湖南寶南局一人以長沙府同知充湖北寶武局一人以武昌府同知充廣東寶廣局一人四川寶川局一人俱以同知通判選充廣西寶桂局一人布政使於所屬官內任便選充

雲南寶雲局一人以雲南府知府充東川局一人以東川府知府充貴州寶黔局一人以貴陽府知府貴筑縣知縣或通判縣丞選充伊犁寶伊局一人以伊犁同知充

歷代建置

三代

周禮地官泉府

鄭司農云故書泉或作錢

上士四人中士八人下士十

有六人凡國事之財用取具焉歲終則會其出入而納其餘

惠士奇禮說太公爲周立九府圜法顏師古以太府玉府內府外府泉府天府凡六府當之而又以職內職金職幣三官充其數焉非也爾雅以八方之八財中原之五穀魚

鹽爲九府王應麟引以當九府圜法失之遠矣所謂圜法者重不廢輕小不妨天子母相權而有九品故曰九府圜法其名見周官者夫布里布辟布紵布總布質布罰布廛布儵布是爲布貨九品其九品在國曰邦布外府掌之在市曰征布泉府掌之載師有里布閭師有夫布皆邦布也出諸民入諸國故曰邦布司市有辟布廛人有紵布總布質布罰布廛布肆長有儵布皆征布也歛諸市入諸官故曰征布

謹案後世錢法之官其源出於地官之泉府而司市職有云辟布者於其地之敘惠士奇謂敘猶監也作布之敘蓋鑄錢之監是司市亦掌冶鑄也

漢

漢書百官公卿表水衡都尉屬官有上林均輸鍾官辨銅

令丞如淳曰鍾官主鑄錢官也辨銅主分辨銅之種類也初上林衡官及鑄錢皆屬

少府王應麟曰漢北軍有錢官

史記平準書赤側錢賤民巧法用之不便於是悉禁郡國

毋鑄錢專令上林三官鑄錢既多而令天下非三官錢不

得行諸郡國所前鑄錢皆廢銷之輸其銅三官

桓寬鹽鐵論幣數易而民益疑於是廢天下鑄錢而專命

水衡三官作水衡三官者均輸鍾官辨銅三令丞也後漢書隗囂檄王莽曰民生挾銅炭沒入鍾官唐

章懷太子注主鑄錢之官

漢書地理志丹陽郡有銅官王應麟玉海鐵官長丞五十

有一而專其官以主丹陽之銅

唐六典錢官後漢屬司農

東觀漢記鑄錢官姦宄所集無能整齊理之者京兆尹閻

興署第五倫督鑄錢掾領長安市

謹案漢代鑄錢之官初屬少府後屬水衡後漢以屬司

農而第五倫為督鑄錢掾則又屬於京兆尹蓋京兆主

長安東西市故兼領錢法以平價直而除姦偽亦如周

官泉府司市皆掌征布之出入也

三國

三國魏志韓暨為監治謁者舊時冶作馬排每一熟石用

馬百匹更作人排又費工力暨乃因長流為水排計其利

益三倍於前就加司金都尉班亞九卿

謹案唐六典稱魏晉以下錢官或屬少府或屬司農今考史志所載三國六朝少府司農官屬未見有鑄錢之職惟陳壽所載韓暨為監冶謁者一事冊府元龜即引之於錢幣門內則監冶亦主鑄錢可知而自晉以後諸治署令丞掌鼓鑄金銀銅鐵之屬至北齊而治署所屬遂有泉部局丞是南北朝鑄錢之事當為治令所兼司今並著之於表云

三國蜀志張裔為司金中郎將

謹案蜀漢鑄直百錢吳赤烏中嘗鑄當千大錢並見於史而錢官職掌則史未之詳蜀之司金中郎將典作農戰諸器即後代治令丞之比疑鑄錢亦其所兼司也

晉

晉書職官志衛尉統諸冶等令南北東西督冶掾

宋齊梁陳

宋書百官志南冶令一人丞一人漢有鐵官晉置令掌工徒鼓鑄隸衛尉江左以來省衛尉隸少府宋世雖置衛尉冶隸少府如故江南諸郡縣有者或置冶令或置丞多是吳所置

南齊書百官志少府領東冶令一人丞一人南冶令一人丞一人

隋書百官志梁少府置東西冶署令丞又有梅根諸冶令

陳循其制

〔冊府元龜〕宋文帝元嘉七年立錢署鑄四銖錢孝武建元元年更立錢署鑄錢

謹案宋齊梁陳四代鑄錢之官當亦掌之東西南諸治令而錢署則如今之錢局也

北魏

〔魏書食貨志〕高祖始詔天下用錢十九年治鑄粗備文曰太和五銖在所遺錢工備爐冶民有欲鑄聽就鑄之永安二年詔更改鑄文曰永安五銖官自立鑪

〔北史列傳〕時朝議鑄錢以高謙之為鑄錢都將長史乃上表求鑄二銖錢

謹案馬端臨錢幣考引此事作鑄錢都督而北史及魏書俱作都將疑馬氏有誤蓋都將如今之戶工二部管理錢法侍郎而長史則其屬如今之監督也魏書官氏志不載此官殊為闕略

北齊

〔隋書百官志〕後齊太府寺統諸治東西道署令丞諸治東道又別領滏口武安白閒三局丞諸治西道又別領晉陽冶泉部大郡原仇四局丞

後周

〔杜佑通典〕後周官品正二命地官泉府中士正一命地官泉府下士

隋

〔隋書百官志〕太府寺統掌冶署置令二人丞四人

唐

〔唐會要〕開元二十五年二月羅文信為諸道鑄錢使天寶三年九月楊慎矜除御史中丞充鑄錢使六載楊釗上元元年五月劉晏寶應元年劉晏又充廣德二年第五琦李峴永泰元年正月十三日劉晏第五琦分領諸道大庠五年三月二十六日停

〔新唐書百官志〕諸鑄錢監監各一人以所在州府都督刺史判之副監一人上佐判之丞一人判司判之

〔新唐書地理志〕商州有洛源監錢官郴州有桂陽監錢官

河東蔚州飛狐有三河銅冶有錢官河中府解縣有紫泉監乾元元年置有銅穴十二揚州有丹陽監廣陵監錢官宣州南陵有梅根宛陵二監錢官鄂州有鳳山監錢官饒州有永平監錢官有銅坑三信州有玉山監錢官有銅坑一鉛坑一絳州有銅源翔皋錢坊二梓州銅山縣貞觀二十三年置鑄錢官調露元年罷

〔新唐書食貨志〕武德四年洛并幽益桂等州皆置監開元二十六年宣潤等州初置監天下鑪九十九絳州三十揚潤宣鄂蔚皆十益郴皆五洋州三定州一
案諸州鑪數僅九十有四以唐六典考之尚有鄧州五鑪適足九十九之數蓋新唐書脫誤也每鑪歲鑄錢三千三百緡設丁匠三十費銅二萬一千二百觔蠟三千七百斤錫五

百斤每千錢費七百五十天下歲鑄三十二萬七千緡
唐六典皇朝少府置十鑪諸州皆屬焉及少府罷鑄錢諸
州遂別

謹案歷代錢法規制各異立鑪鼓鑄亦不一其地有但
就京師而不及郡國者漢之上林三官是也有的就諸
州而不及京師者唐之少府罷鑄是也故當時鑄錢一
使其職專領諸道與今戶工二侍郎督理京省錢法者
差別然源流有自職掌無殊今並著之於表又考唐書
韓洄傳建中元年洄上言山澤之利當歸王者非諸侯
方岳所宜有請以諸道錢冶總隸鹽鐵使而冊府元龜
所載德宗以後鑄錢事宜多出鹽鐵使陳奏是唐時錢
法又屬於鹽鐵使謹併識於此

五季

冊府元龜晉高祖天福三年鑄錢以天福元寶爲文委鹽
鐵使鑄樣頒下諸道漢隱帝乾祐初膳部郎中羅周允請
在京置鑄錢監不報周世宗顯德二年九月勅國家之利
泉貨爲先近朝以來久絕鑄造至於私下不禁銷鎔歲月
漸深奸弊日甚今採銅興冶立監鑄錢冀便公私宜行條
制

謹案五季無鑄錢監至周世宗時始置而晉高祖鑄天
福錢令鹽鐵頒樣則錢法亦當掌之鹽鐵矣

宋

玉海咸平三年五月馮亮以江西運副兼都大提點鑄錢
景祐二年八月置提點坑冶鑄錢官寶元元年八月復置
發運使提點鑄錢事元豐二年七月三省言鑄錢司舊領
五監近歲江池饒增歲鑄額及興國睦衡舒蘄惠枊置六
監宜增提點一員乃命錢昌武領淮浙建江東李棻領湖
廣江西元祐元年二月合爲一司從李深請也崇寧五年
詔蘇莊提舉九路銅事大觀四年併入鑄錢司紹興二十
七年七月戶部侍郎林覺奏復饒永平監贛鑄錢院韶永
通監八月戶部侍郎榮嶷兼提領鑄錢二十八年命戶部
侍郎趙令諤提領二十九年七月復置鑄錢司乾道六年
四月併於發運司七年復置八年十二月置提點官一員

分治饒贛清熙二年併於饒州

李心傳建炎以來朝野雜記提點坑冶鑄錢公事自咸平
初有之渡江後屢罷屢復清熙五年又加都大二字於提
字之上

宋史食貨志京師舊有四監後廢之諸路錢歲輸京師大
觀二年復京畿兩監以宋喬年領之用提舉京畿鑄錢司
爲名

馬端臨文獻通考鑄錢監屬少府監官各一人

玉海會要云元豐諸路鑄錢銅錢一十七監西京阜財監
衛州黎陽監永興軍監陝州華州監絳州垣曲監舒州同
安監睦州神泉監興國軍富民監衡州熙寧監鄂州寶泉

監江州廣寧監池州永豐監饒州永平監建州豐國監韶
州永通監惠州阜民監鐵錢九監虢州朱陽兩監商州阜
民洛南兩監威遠鎮滔山鎮兩監興州濟眾監嘉州豐遠
監邛州惠民監凡銅錢一十三路銅鐵錢兩路鐵錢四路
元豐四年二月詔秦州置監六年三月詔徐州置寶豐監
五月梧州置監萬州置鐵錢監八月同州置鐵錢監渭州
復置博濟監八年詔罷增置監十有四中興鑄錢有饒州
永平監池州永豐監江州廣寧監建寧府豐國監韶州永
通監贛州鑄錢監嚴州神泉監紹興二年八月令永豐監
卒寓役於饒廣寧監卒寓役於虔移少就多也

謹案宋制亦於諸州鑄錢在京錢監中葉始置其監官

隸於少府蓋猶循唐舊制其實在諸州者皆歸之提點
提領在京則提舉鑄錢司掌之少府並不司其出納也

遼

遼史食貨志太宗置五治太師以總四方錢鐵

金

金史食貨志正隆二年二月中都置錢監二東曰寶源西
曰寶豐京兆置監一曰利用大定十八年代州立監鑄錢
命工部郎中張大節吏部員外郎麻珪監鑄二十年十一
月名代州監曰阜通設監一員正五品副監一員正六品
丞一員正七品勾當官二員從八品二十二年十月以參
知政事鈕祐祿額特埒

鈕祐祿原作粘割今從八旗姓譜
改正額特埒蒙古語享受也原作

幹特刺提控代州鑄錢監
今改正

謹案金中都有錢監而百官志未見其職殆亦以他官兼領故史不載也至以參知政事提控錢監此則一時特重其事而設非經常之制矣

元

〔元史百官志〕諸路寶泉都提舉司至正十年十月置其屬有鼓鑄局正七品水利庫從七品掌鼓鑄錢文印造交鈔○各處寶泉提舉司十一年十月置寶泉提舉司于河南行省及濟南冀寧等處凡九所江浙江西湖廣行省各一所十二年二月置銅冶場于饒州路德興縣信州路鉛山州韶州岑水凡三處每所置提領一員正八品大使一員

從八品副使一員正九品流內官銓注直隸寶泉提舉司掌浸銅事

謹案交鈔之法肇于唐代之飛錢宋張詠始行之益州天聖間置交子務建炎南渡又立會子務于臨安先後措置有行在交子川引淮引湖會諸目金立鈔引法與錢並行元則專以寶鈔交鈔通行諸路至大中嘗詔用錢未行而罷至正末始置司鑄錢以濟軍興亦仍以交鈔爲主明初尚沿其法各設官以掌之宋則有交子務官會子監官金則有交鈔庫印造鈔引庫鈔紙坊使副判官等官元則有諸路寶鈔提舉司達嚕噶齊都提舉副達嚕噶齊提舉同提舉副提舉寶鈔總庫達嚕噶齊

明史食貨志
大使副使印造寶鈔庫達嚕噶齊大使副使燒鈔東西
二庫達嚕噶齊大使副使等官明亦有寶鈔提舉司提
舉副提舉典史鈔紙局大使副使印鈔局大使副使寶
鈔廣惠軍大使副使等官皆隸屬於戶部今楮幣之制
久罷不行其職事亦隨之俱廢故不列於表謹附識大
凡以備考核云爾

明

〔明史食貨志〕太祖初置寶源局於應天鑄大中通寶錢及
平陳友諒命江西行省置貨泉局卽位頒洪武通寶錢各
行省皆設寶泉局與寶源局並鑄七年設寶鈔提舉司遂
罷寶源寶泉局越二年復設寶泉局十三年中書省廢乃

以寶鈔屬戶部鑄錢屬工部二十五年又罷寶泉局弘治
元年戶部請鼓鑄乃復開局鑄錢嘉靖六年大鑄嘉靖錢
且補鑄累朝未鑄者時盜鑄日滋不能止帝患之問大學
士徐階階陳五害請停寶源局鑄錢應支給錢者悉予銀
帝乃停鼓鑄自後稅課徵銀而不徵錢隆慶初錢法不行
兵部侍郎譚綸請令民得以錢輸官錢法復稍稍通萬厯
四年雲南巡撫郭庭梧言國初京師有寶源局各省有寶
泉局自嘉靖閒省局停廢民用告匱非利也遂開局鑄錢
尋命十三布政司皆開局

孫承澤春明夢餘錄寶源局在城之東石大人衢衞葢石
亭舊宅嘉靖閒改爲鼓鑄公署虞衡司員外郎監督其事

所屬有寶源局大使國初鼓鑄之事惟屬工部至天啟二年始增寶泉局其政屬於戶部而工部之所鑄者微矣寶泉局在皇城東北以右侍郎督理之名錢法堂加鑪製造以濟軍興

明史職官志天啟五年戶部增設督理錢法侍郎工部寶

源局大使一人

正九品

副使一人

從九品嘉靖年間革

謹案明代園法其初專之工部後始添設戶部寶泉局故惟寶源局有監督員外郎及大使等官而戶部無之至錢法侍郎為天啟間初設乃別置額缺不釐部務亦與今之兼管者不同也

欽定歷代職官表卷十六

番禺陶福祥再覆校

南海桂銘球初校

益陽蔡芳覆校

左 右 侍 郎 旗 籍 等 六 司 郎 中

周
大行人
中大夫

周
小行人
下大夫

大行令
主簿
單于營
都尚書
郎
主吏
吏民
書

大行令

鴻臚寺
少卿
大夫
少卿
鴻臚寺
少卿

典屬國
典客
典客署
小賓部
典客署
典客署
典客署
宗正署
宗正署
宗正署

同文寺
少卿
少卿
少卿

兵部
漢軍
評表

宣政院
同知院
宣政院
宣政院
宣政院
宣政院
宣政院
宣政院

宣政院
宣政院
宣政院
宣政院
宣政院
宣政院
宣政院
宣政院

旗 籍 等 六 司 郎 外 員 司 郎 旗 籍 等 六 司 主 事

中士
合方氏
訓方氏
中士
形方氏
中士

周
司盟下
中士

典客署
典客署
典客署
典客署
典客署
典客署
典客署
典客署

典客署

稽察內館外館監督烏蘭哈達等處察官哈爾爾理事官

周環
人中
士

周
尹

使
何
奴
將
中
郎
將
安
集
孫
使
何
奴
將
從
事
護
馬
長
史
護
馬
司
馬

奚
主
府
請
劄
宣
政
院
錫
林
塔
事
官
斷
事
官
拉
官

達
勒
達
站
齊
托
斯
克
托
和

張家口等處驛站員外郎圍場總管附覽後

周
山
慶
中
主
下
上
澤
慶
中
主
下
上
迹
入
中
主
下
上
後
詳

圍
場
都
大
師
圍
場
都
管
圍
場
使
圍
場
副
使

職官表卷十七 理藩院表

廣雅書局

理藩院

國朝官制

理藩院尚書一人左右侍郎各一人均以滿洲蒙古補授額外侍郎一人

特簡蒙古貝勒貝子之賢能者任之

掌內外藩蒙古回部及諸番部封授朝覲疆索貢獻黜陟徵發之政令控馭撫綏以固邦翰所屬有旗籍王會典屬

柔遠徠遠理刑六司

國初設蒙古衙門有承政參政等官崇德三年六月定蒙古衙門為理藩院七月定置承政一員左右參政各一員順治元年改承政為尚書左右參政為侍郎十五年以禮部尚書銜掌理藩院事以禮部侍郎銜協理理藩院事十八

年仍爲理藩院尙書侍郎又初置有滿洲啟心郎一人漢軍啟心郎一人順治十五年省雍正元年以來以王公大學士兼理院事皆由

特簡無常員

旗籍清吏司郎中滿洲二人蒙古一人員外郎滿洲三人蒙古二人主事滿洲一人

掌漠南諸藩科爾沁札賴特杜爾伯特郭爾羅斯敖漢奈曼翁牛特巴林札魯特喀爾喀左翼阿魯科爾沁克什克騰土默特喀喇沁烏朱穆沁阿巴垓浩齊特蘇尼特阿巴哈納爾四子部落喀爾喀右翼烏喇特茂明安鄂爾多斯歸化城土默特二十五部落五十一旗之禮籍疇其封爵

正其等次辨其世系三歲會盟則

遣大臣奉

勅往莅之以同好惡而頒禁令焉凡歸化城土默特索倫除授官校則條其令格敘而正之若諸蒙古歲有不登則辨其輕重而調卹之初順治十八年理藩院設四清吏司曰錄勳賓客柔遠理刑置滿洲蒙古郎中十有一人員外郎二十七人滿洲主事四人漢人主事四人其後增損不一康熙三十八年省漢人主事員額後又析柔遠司爲二曰前司後司乾隆二十二年改錄勳司爲典屬賓客司爲王會柔遠後司爲旗籍柔遠前司仍爲柔遠二十六年併旗籍柔遠爲一司增設徠遠司二十七年旗籍柔遠仍分爲二

司二十九年復改典屬司爲旗籍司其舊旗籍司卽改爲典屬司以各符職掌焉

王會清吏司郎中滿洲一人蒙古二人員外郎滿洲二人蒙古三人主事蒙古二人

掌科爾沁等諸部落每歲

朝覲之儀貢獻之式燕饗

賜予舍館養餼皆視其等次以禮之

典屬清吏司郎中滿洲蒙古各一人員外郎滿洲五人蒙古四人主事滿洲蒙古各一人

掌蒙古北部喀爾喀後路土謝圖汗喀爾喀東路轍臣汗喀爾喀西路札薩克圖汗喀爾喀賽因諾顏札薩克親王

等列爵之位盟會之制其青海四部落賀蘭山厄魯特烏蘭烏蘇厄魯特推河厄魯特額濟勒土爾扈特都爾伯特土爾扈特等部胙封錫命亦如之諸喇嘛番僧之受號者則辨其名數授以印劄有差凡烏魯木齊伊犁防守屯田之政庫倫恰克圖互市之事咸綜其法式以頒布焉

柔遠清吏司郎中滿洲一人員外郎滿洲三人蒙古三人主事蒙古一人

掌喀爾喀等部落及喇嘛番僧朝貢祿賜之事

徠遠清吏司郎中滿洲一人員外郎滿洲三人蒙古二人主事滿洲蒙古各一人

掌嘉峪關以西回部同城及四川諸土司之政令凡諸回

舊部若哈密闢展吐魯番則爵其長而領以札薩克如蒙古之制新疆若哈拉沙拉庫車沙雅爾賽里木拜阿克蘇烏什喀什噶爾葉爾羌和闐諸城則因俗設官皆辨其等秩而祿命之田賦征權則準式定制而頒布焉四川諸土司奉歲事以入

覲於廷釐其班位而詔之儀節凡哈薩克左右部布魯特東西部安集延瑪爾噶朗霍罕那木干四城塔什罕拔達克山博羅爾愛烏罕啟齊玉蘇烏爾根齊諸部汗長以時重譯朝貢者各以其國之籍禮之

理刑清吏司郎中滿洲蒙古各一人員外郎滿洲二人蒙古三人主事滿洲一人

掌蒙古及番回刑罰之事

堂主事滿洲二人蒙古三人漢軍一人校正漢文官二人

掌校繕章疏順治元年置額其校正漢文官二人於內閣翰林院侍讀學士侍讀等官內奏委三歲而代

司務廳司務滿洲蒙古各一人

掌收發文移順治元年置司務二人爲滿洲蒙古員額院判一人知事一人副使一人爲漢人員額康熙三十八年俱省雍正十年復設滿洲司務一人蒙古司務一人

題署主事滿洲三人蒙古五人

乾隆三十六年置由筆帖式掄選題補

筆帖式滿洲三十六人蒙古五十五人漢軍六人

初順治元年置滿洲筆帖式十有一人蒙古筆帖式四十
一人漢軍筆帖式二人康熙二十八年增設漢文筆帖式
每旗各一人漢軍筆帖式每翼各增二人雍正十一年復
增滿洲筆帖式十七人蒙古筆帖式十四人分隸各司視
事之繁簡以為額職事具吏部篇

銀庫郎中員外郎各一人於本院司官內奏委司庫滿洲一人筆帖式滿

洲二人庫使滿洲二人

掌帑金出納初制蒙古王台吉等八

朝由戶工二部及光祿寺庀器用具廩餼康熙四十六年始
册立銀庫設官如今額計賓館所需按直給貲以惠遠人
惟庫使初置四人雍正元年省二人

蒙古繙譯房員外郎主事各一人

掌繙譯章奏文書於本院司屬內掄選簡委

唐古忒學司業助教各一人筆帖式蒙古四人

掌教習唐古忒字以譯西藏章疏文移順治十四年初立
唐古忒學給教習人六品俸後改為司業其助教本以他
官兼乾隆五年始定為額設之官

稽察內館外館監督二人

掌致館于賓繕完滌除以待行李由科道及各部司官內
掄選奏委

烏蘭哈達三座塔駐劄司官各一人八溝駐劄司官一人分駐
塔子溝筆帖式一人

分掌諸蒙古部落與民人交涉之事以聽其訟而平之歲則徧巡所屬以周知其風俗兼掌權百物之稅以待蒙古贍恤歲周而代

察哈爾游牧處理事員外郎蒙古十有六人

掌治游牧察哈爾獄訟之事以在京蒙古各旗與察哈爾各旗官員內掄選由院引

見除授自護軍校驍騎校選用者即授員外郎自中書筆帖式選用者先授主事三年稱職乃授員外郎又雍正七年置巡察游牧御史或部院司官一人每歲更替今改定五年掄遣一次

張家口喜峰口獨石口殺虎口古北口管理驛站員外郎各一

人

掌蒙古各處郵驛之政令以宣傳命令通達文移凡一百里為一傳自喜峰口至札賴特置郵十有六自古北口至烏朱穆沁置郵九自獨石口至浩齊特置郵六自張家口至四子部落置郵五自殺虎口至烏喇特置郵九又自歸化城至鄂爾多斯置郵八仍為殺虎口路均於水泉形勢之地安設五路各設員外郎一人由本院司官內奏委司其事筆帖式一人佐之三歲而代

圍場總管一人初制四品乾隆十年升為三品左右翼長各一人秩四品章京

八人初置六品乾隆十年升為五品驍騎校八人秩六品

木蘭圍場在蒙古各部落中周一千四百餘里國語謂哨

鹿爲木蘭故以得名康熙間

聖祖仁皇帝因喀喇沁敖漢翁牛特等諸部所獻牧地置歲行秋獮之禮四十五年設圍場總管一員六品官八員率官兵駐守以司譏察巡防之禁令

皇上式遵前制每以八月行圍肄武凡內札薩克蒙古王公台吉及喀爾喀青海厄魯特並輪年入

覲之都爾伯特土爾扈特回部伯克等咸會朝

行在所橐鞬執役歲以爲常乾隆十四年始以圍場總管屬理藩院統轄十八年升總管等品秩增設翼長二人驍騎校每旗各一人

謹案我

朝威德廣被其內札薩克諸蒙古久受疆索比於內臣而聖武所昭無思不服北踰瀚海西越流沙亦莫不碁布星羅咸歸版籍設官置吏多因其俗以治之臂指相維不殊郡縣如蒙古諸旗之札薩克官及新疆回城之伯克等官皆領屬於理藩院今以其本由各部落選置與內地注授者不同故別繫諸藩屬諸官表內謹識於此

歷代建置

謹案周禮大行人以賓禮親諸侯凡會同朝覲之事牢禮爵位之數皆其所掌典式綦備後世封建旣廢惟藩國猶各以其籍貢獻而秦漢以來德不及遠大抵羈縻姑息叛服不常甚至屈體和親禮鈞鄰敵其約束期會

非中朝所得而主故從未有設官以治之者我

國家義正仁育中外一家蒙古諸部落或誼聯戚畹或著有勳勞帶礪之封爰及苗裔土田戶版盡隸職方至於月黜砥平畫疆置吏羌髡順化迺戍開屯亦皆述職來朝歲奉王事特設理藩院以司其政令爲

本朝勅建之職謹以古制約略準擬惟周官大行人所掌全相脗合而懷方合方訓方諸氏亦可以類相比次則漢之典屬國差爲近之其秦漢而後之大鴻臚典領藩國諸侯王頗有與今理藩院職守相似者雖規模之廣狹有殊而所掌尙屬賓客禮儀之事故並互見于此表

今鴻臚寺所掌者惟饋贊及朝儀其賓客之事則分屬理藩院及禮部會同四譯館說詳鴻臚寺篇

至宋明諸代懷柔無策建置未遑者則亦並從闕畧以著其實仰見

聖朝長撫遠馭文軌大同凡世昨藩封者無不朝春秋而備宿衛實與三代諸侯無異故理藩院之輯寧眾部卽大行人之信睦羣邦震疊威靈邁於周典近代義乖懷畏不獨閉關自守者無足語於服遠之宏模卽或睠古建官亦不過畧存規制從未有遐荒絕漠悉統治于王官道一風同咸爲臣僕如

今日之盛也

三代

尙書舜典賓于四門四門穆穆孔穎達疏以諸侯爲賓舜

主其禮迎而待之史記裴駟集解馬融曰四門四方之門諸侯朝者舜賓迎之

謹案尙書賓于四門孔安國作賓客之賓鄭康成則讀爲賓字音義各異而以爲迎待諸侯則其說並同周大行人所謂大賓之禮大客之儀其規制實本于此今故引冠理藩院沿革之始以著原起云

周禮秋官大行人中大夫二人小行人下大夫四人環人中士四人大行人掌大賓之禮及大客之儀以親諸侯春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政時聘以結諸侯之好殷頌以除邦國之慝間

問以諭諸侯之志歸賑以交諸侯之福賀慶以贊諸侯之喜致餼以補諸侯之裁以九儀辨諸侯之命等諸臣之爵以同邦國之禮而待其賓客上公之禮執桓圭九寸纁藉九寸冕服九章建常九旒樊纓九就貳車九乘介九人禮九牢其朝位賓主之間九十步立當車軹擯者五人廟中將幣三享王禮再裸而酢饗禮九獻食禮九舉出入五積三問三勞諸侯之禮執信圭七寸纁藉七寸冕服七章建常七旒樊纓七就貳車七乘介七人禮七牢朝位賓主之間七十步立當前疾擯者四人廟中將幣三享王禮一裸而酢饗禮七獻食禮七舉出入四積再問再勞諸伯執躬圭其他皆如諸侯之禮諸子執穀璧五寸纁藉五寸冕服

五章建常五旂樊纓五就貳車五乘介五人禮五牢朝位
賓主之間五十步立當車衡擯者三人廟中將幣三享王
禮一裸不酢饗禮五獻食禮五舉出入三積一問一勞諸
男執蒲璧其他皆如諸子之禮凡大國之孤執皮帛以繼
小國之君出入三積不問一勞朝位當車前不交擯廟中
無相以酒禮之其他皆視小國之君凡諸侯之卿其禮各
下其君二等以下及其大夫士皆如之邦畿方千里其外
方五百里謂之侯服歲一見其貢祀物又其外方五百里
謂之甸服二歲一見其貢嬪物又其外方五百里謂之男
服三歲一見其貢器物又其外方五百里謂之采服四歲
一見其貢服物又其外方五百里謂之衛服五歲一見其

貢材物又其外方五百里謂之要服六歲一見其貢貨物
九州之外謂之蕃國世一見各以其所貴寶爲摯王之所
以撫邦國諸侯者歲徧存三歲徧頰五歲徧省七歲屬象
胥諭言語協辭命九歲屬瞽史諭書名聽聲音十有一歲
建瑞節同度量成牢禮同數器修法則十有二歲王巡守
殷國凡諸侯之王事辨其位正其等協其禮賓而見之小
行人掌邦國賓客之禮籍以待四方之使者令諸侯春入
貢秋獻功王親受之各以其國之籍禮之凡諸侯人王則
逆勞于畿及郊勞視館將幣爲承而擯凡四方之使者大
客則擯小客則受其幣而聽其辭使適四方協九儀賓客
之禮朝覲宗遇會同君之禮也存頰省聘問臣之禮也成

六瑞王用璜圭公用桓圭侯用信圭伯用躬圭子用穀璧
男用蒲璧合六幣圭以馬璋以皮璧以帛琮以錦琥以繡
璜以黼此六物者以和諸侯之好故若國札喪則令賻補
之若國凶荒則令賙委之若國師役則令槁禴之若國有
福事則令慶賀之若國有禍菽則令哀弔之凡此五物者
治其事故及其萬民之利害爲一書其禮俗政事教治刑
禁之逆順爲一書其悖逆暴亂作慝猶犯令者爲一書其
札喪凶荒厄貧爲一書其康樂和親安平爲一書凡此五
物者每國辨異之以反命于王以周知天下之故環人舍
則授館有任器則令環之

管子五行篇天子出令命行人內御注行人行使之官也

韓非子外儲說衛君入朝于周周行人問其號對曰諸侯
辟疆周行人卻之曰諸侯不得與天子同號

謹案周制賓客有大小之分鄭康成周禮注大賓要服
以內諸侯大客謂其孤卿賈公彥疏云言要服以內諸
侯者對要服以外爲小賓蕃國世一見是也大客謂大
賓下孤卿對行人所云小客大夫士皆得爲客此但舉
尊者而言據此是六服諸侯皆大賓而九州外之蕃國
則小賓也自封建變爲郡縣而歷代朝貢者獨有蕃國
故賓禮所沿與周制多不相準惟今札薩克諸蒙古咸
以勳存

王室世守藩封子弟入侍於

闕廷丁口悉登于戶版其慶讓黜陟之典實無殊於六服諸
 侯故理藩院一官所司典制儀式皆即周大小行人之
 職如諸蕃封爵凡親王郡王貝勒貝子公分爲五等台
 吉分爲三等皆由院奏請繼襲此即如以九儀辨諸侯
 之命而等其爵也凡朝期或分三班或分四班皆周而
 復始歲十二月咸集以奉元會其不分班者則閱年奏
 請得

旨來觀此即如六服諸侯各以其方歲見四載而徧也其來
 朝就館賞賚俸幣之制牧芻廩給之數皆視等級以爲
 差此即如牢禮饗食之有多寡也會盟之期漠南諸部
 則三年遣大臣奉

勅以往喀爾喀等部則各副將軍歲於所部舉行開歲則以
 軍營參贊大臣二人分蒞之此即如歲徧存三歲徧頰
 五歲徧省也各部落偶遇歲荒札薩克設法養贍不足
 告盟長協濟再不足會報到院奏請發帑以濟其乏此
 即如調委稿禴以治其事故也蓋惟懷柔化洽所爲習
 禮考義正刑一德者無不同符周典備極精詳是以鱗
 集仰流比于戶闈同風邳治媿三代而獨隆矣

周禮夏官懷方氏中士八人掌來遠方之民致方貢致遠
 物而送逆之達之以節治其委積館舍飲食鄭康成注懷
 來也主來四
 及其物方之民合方氏中士八人掌達天下之道路通其財利同
 其數器一其度量除其怨惡同其好善鄭康成注主合訓
 同四方之事

方氏中士四人掌道四方之政事與其上下之志誦四方

之傳道正歲則布而訓四方以觀新物鄭康成注訓道也

志淫行辟則當以政教化正之形方氏中士四人掌制邦國之地域而正

其封疆無有華離之地鄭康成注主制四方邦國之形體

絕離謹案懷方氏以下四官皆主和輯四方諸侯亦今理藩

院所有事以規制考之合方氏形方氏通財利同好惡

正封疆當如今旗籍典屬徠遠諸司之職懷方氏治委

積館舍而送逆之當如今王會柔遠諸司之職訓方氏

以教化正淫辟則如今理刑司之職也

周禮秋官司盟下士二人掌盟載之法

大四百五

謹案春秋左氏僖五年傳勳在王室藏于盟府杜預注

司盟之官孔穎達疏曰諸侯初封必有盟誓之言漢封

爵之誓即盟之類僖二十六年傳載在盟府太師職之

杜預注太公為太師兼主司盟之官襄十一年傳藏在

盟府杜預注司盟之府有賞功之制孔穎達疏曰司盟

之府掌藏功勳典策故有賞功之制是周之司盟專主

諸侯功績至以太師兼掌之其職甚重今蒙古諸部落

世次譜系及

錫封根源備載于冊藏諸

內府十年一修近又奉

詔纂輯蒙古王公表傳錄功旌伐傳示無窮蓋即功勳典策

藏于盟府之制是今之理藩院亦兼有周司盟之職也
逸周書王會解成周之會相者太史魚大行人皆朝服有
繁露郭叔掌爲天子棊幣焉孔晁注魚太史名及大行人
皆贊相賓客禮儀棊錄諸侯之幣也

尚書立政夷微盧蒸三亳版尹孔安國傳蠻夷微盧之衆
師及亳人之歸文王者三所爲之立監及阪地之尹長皆
用賢

謹案蔡沈書傳謂此卽王官之監于諸侯四夷者以尹
與監爲一官而孔安國則以爲微盧亳有監而阪地有
尹區之爲二疑地當險要及人戶繁庶者則立監以治
之其職較尊當如今之新疆各路駐劄大臣其地近而

事簡者所任畧輕則爲之設尹如今蒙古地方駐劄司
官及察喀爾游牧理事官之類也

周禮秋官象胥每翟上士二人中士二人下士八人掌蠻
夷閩貊戎狄之國使掌傳王之言而論說焉以和親之若
以時入賓則協其禮與其辭言傳之

謹案大行人職稱七歲屬象胥論言語協辭命九歲屬
瞽史論書名聽聲音鄭康成注通言語之官爲象胥瞽
樂師也史大史小史也書名書文字也古曰名七歲省
而召其象胥九歲省而召其瞽史皆聚于天子之宮教
習之也易祓周禮總義謂論言語則通五方之言語乃
象胥之職論書名則達六書之文乃瞽史之職據此則

凡語言文字之不相通者皆當以象胥大史小史教習之而後使命往來咸得以達其爵而諭其志今之蒙古繙譯房唐古忒學蓋卽其制特三代以語音與字書分兩職今則本方語以繙譯成文審音辨字相爲條貫並不又別見會同四譯館篇必分曹肄習故仍以象胥互著于此說各詳本篇大史小史則別繫諸翰林院及欽天監篇內焉

周禮地官山虞每大山中士四人下士八人中山下士六人小山下士二人若大田獵則萊山田之野及樊田植虞旗于中致禽而珥焉賈公彥疏大田獵謂王親行田在澤山則山虞于可陳之處芟除草木虞每大澤大藪中士四人下士八人中如中川之衡下士六人小如小川之衡下士二人若大田獵則萊澤野及樊田植虞旗

以屬禽迹人中士四人下士八人掌邦田之地政爲之厲

禁而守之凡田獵者受令焉鄭康成注田之地若今苑也賈公彥疏迹人主迹知鳥獸

之處有禽獸之處則爲苑圃以林木爲藩籬使其地之民遮厲守之

謹案三代天子蒐狩之地必有廣阜大藪以陳六軍詩所謂東有甫草駕言行狩是也今木蘭之地泉甘壤沃靈囿天開芟舍治兵適符古制圍場總管主成梁除道其職近于山澤之虞而禁令所頒與迹人之掌邦田地政者尤爲相合以其爲理藩院統轄故沿革併附于此表云

秦

冊府元龜秦置典客掌諸侯及歸義蠻夷又有典屬國掌

蠻夷降者

謹案冊府元龜謂秦置典客掌諸侯及歸義蠻夷考戰國策秦王見燕使者咸陽宮乃朝服設九賓注禮大小行人以九儀掌賓客之禮吳師道授正曰大事記相如奉璧入秦秦王齊五日後乃設九賓禮于庭注引正義韋昭云九賓則周禮九儀也劉伯莊云九賓者周王之備禮天子臨軒九服同會秦趙安得九賓但亦陳設車輅文物爾不得以周禮九賓儀爲釋愚按前漢書大行設九賓恐卽秦儀也據師道此說則秦人典客亦猶掌大行人之遺法叔孫通傳所謂大行設九賓臚句傳乃秦法之沿于漢初者也

漢

荀悅漢紀高后紀呂祿遂解印屬典客而以兵授勃七年典客馮叔爲御史大夫惠帝紀典客掌諸侯歸義蠻夷景帝更名大行武帝更名大鴻臚武帝紀單于背約寇邊無已于是上議伐之大行王恢曰匈奴和親率不過數歲請擊之

漢書百官公卿表典客掌諸歸義蠻夷景帝中六年更名大行令武帝太初元年更名大鴻臚屬官有行人譯官令丞武帝太初元年更名行人爲大行令

謹案漢書百官公卿表典客掌諸歸義蠻夷景帝中六年更名大行令武帝太初元年更名大鴻臚是武帝時

始有大鴻臚考荀悅漢紀景帝紀中元年春令諸侯王薨及列侯初封及之國大鴻臚奏諡誄策列侯薨及諸侯王太傅初除之官大行奏諡誄策王薨遣光祿大夫弔祫祠贈視喪事因立嗣列侯薨遣太中大夫弔祠視喪事立嗣據此則景帝中元年已有大鴻臚不自武帝始且秦諡誄策或用大鴻臚或用大行令似大鴻臚與大行令各爲一官大行令非大鴻臚之更名矣均與漢表不同

漢書應劭注皇帝延諸侯王賓王諸侯皆屬大鴻臚

太平御覽韋昭辨釋名曰腹前肥者臚言以京師爲心腹王侯外國爲四體以養之也辨云鴻臚本故典客掌賓禮

鴻大也臚陳序也欲以陳序賓客也

程大昌雍錄藁街在朱雀街西與鴻臚寺近

漢書臣瓚注大行是官名掌九儀之制以賓諸侯

荀悅漢紀武帝紀後元二年濟北王寬坐悖人倫祝詛有司請誅上遣大鴻臚利召王哀帝紀建平元年太后素怒中山遣御史按驗考訊卒無所得更使中謁者令史陳立與丞相長史大鴻臚丞親治其事

揚雄大鴻臚箴蕩蕩唐虞經通核極陶陶百王天工人力畫爲上下羅條百職人有才能寮有級差遷能於官各有攸宜主以不廢官以不隳昔在三代二季不蠲穢德慢道署非其人人失其材職反其官案察荒耄國政如漫文不

可武武不可文大小上下不可奪倫鴻臣司爵敢告在鄰
謹案揚雄箴謂鴻臣司爵柏梁詩云郡國吏能差次之
則漢之鴻臚又掌官秩蓋鴻臚典九儀之制以賓諸侯
則貴賤秩次因兼掌焉律志云權衡規矩準繩職在大
行漢紀權衡銖兩斤鈞石職在鴻臚亦以鴻臚主陳序
不凌亂也

袁宏後漢紀明帝紀楚王英徙丹陽涇縣遣大鴻臚持節
護送英丹陽章帝紀東平王蒼與諸王俱至滎陽使大鴻
臚持節郊迎歲餘大鴻臚奏遣諸王歸國東平王蒼薨乃
遣大鴻臚持節護喪順帝紀漢安元年以匈奴主義王兜
樓儲爲南單于立於京師公卿使大鴻臚授印綬引上殿

大四百四十八
殤帝紀鄧騭征羌還京師詔大鴻臚親迎

洪适隸續劉寬碑陰門生名大尚書洪氏云碑中有大尚
書張祇祝睦碑亦云拜大尚書考東京官制建武中三公
皆去大惟鴻臚司農長秋有大字

後漢書百官志大鴻臚卿一人中二千石掌諸侯及四方
歸義蠻夷諸王入朝當郊迎典其禮儀皇子拜王贊授印
綬及拜諸侯諸侯嗣子及四方夷狄封者臺下鴻臚召拜
之王薨則使弔之及拜王嗣

謹案秦典客漢大鴻臚大行令職司賓禮本出周大小
行人之職故諸侯王列侯及蕃國之歸義者皆其所屬
考之於史凡諸侯王封拜繼襲削奪訊治弔祭誅諡之

典皆以鴻臚主之今宗藩政令已聽治於宗人府而蒙古王公撫封世及無殊漢之異姓諸侯王則理藩院實兼有大鴻臚之一職至當時接待蕃國史未詳其儀制據漢書西域傳載大鴻臚議募囚徒送匈奴使者又鴻臚領郡國邸而匈奴傳言單于來朝就邸其為鴻臚所主可知是匈奴諸國館餼送迎之事亦當隸於鴻臚也

漢書百官公卿表典屬國掌蠻夷降者武帝元狩三年昆邪王降復增屬國置都尉丞候千人屬官九譯令成帝河平元年省併大鴻臚

漢書武帝本紀匈奴昆邪王降置五屬國以處之顏師古注凡言屬國者存其國號而屬漢朝故曰屬國

漢書霍去病傳因其故俗為屬國顏師古注不改其本國之俗而屬於漢故號屬國

王應麟玉海典屬國卿也所以統邊郡屬國都尉等官也

漢書昭帝本紀蘇武奉使全節以為典屬國如清日以武久在外國知

邊事故令典主諸屬國常惠列傳代蘇武為典屬國明習外國事勤

勞數有功為右將軍典屬國如故馮奉世列傳常惠薨奉

世代為右將軍典屬國

謹案漢以蠻夷降者置屬國處之沿邊諸郡皆仍其故

名而設都尉治之據兩漢地理志所載安定上郡天水

五原張掖西河北地屬國以處匈奴降人金城屬國以

處降羌廣漢蜀郡犍為屬國以處西南夷降人其中酋

長有仍其位號者匈奴傳屬國千長義渠王胡三省通鑑注屬國義渠之君長是也有授以漢官者景武昭宣元成功臣表輝渠侯雷電故匈奴歸義以五原屬國都尉與貳師將軍擊匈奴是也有以部落之長率兵從征者功臣表昆侖渠復索以屬國大首繫匈奴侯是也蓋以屬國都尉分治而典屬國居中統總之今自西南諸部落皆因其本俗設官駐劄控置無綏與漢之屬國僅列置邊郡者其幅員之廣狹不同而規制則差可相擬是今之理藩院正漢典屬國卿之職也

宋書百官志漢儀尙書郎一人主匈奴單于營部一人主羌夷吏民匈奴單于宣帝之世保塞內附成帝世單于還北庭矣一郎主匈奴單于營部則置郎疑是光武時所主匈奴是南單于也

謹案漢以尙書郎主匈奴單于營部正如今理藩院司員之職蓋是時呼韓單于留居光祿塞下南單于亦入居雲中後徙西河美稷授地給食同於藩臣故特設官以領其事也

後漢書匈奴列傳南單于詣闕奉藩求使者監護始置使匈奴中郎將衛護之中郎將置安集掾將弛刑五千人隨單于歲盡輒遣奉奏送侍子入朝中郎將從事一人將領詣闕

後漢書百官志使匈奴中郎將一人比二千石主護南單

于置從事二人有事隨事增之掾隨事為員護烏桓校尉

一人比二千石主烏桓應劭漢官曰擁節長史一人司馬二人皆百石

後漢書烏桓列傳烏桓願留宿衛於是封其渠率為侯王君長者八十一人布於緣邊諸郡始復置校尉并領鮮卑賞賜質子歲時互市焉

謹案漢自匈奴烏桓並塞稱藩始置中郎將校尉諸官以衛護之秩皆比二千石蓋如今各處駐劄大臣之比至安集掾及長史司馬其秩較卑而職在和輯藩部則今烏蘭哈達等處司官及察哈爾游牧理事官頗為近之云

三國

三國魏志崔林列傳林遷大鴻臚龜茲王遣侍子來朝褒賞甚厚餘國各遣子來朝問使連屬林乃移書燉煌喻指并錄前世待遇諸國豐約故事使有恆常

玉海大鴻臚魏韓宣崔林

謹案魏志諸王傳載中山王袞薨大鴻臚持節典護喪事楚王彪有罪大鴻臚持節賜書切責又陳思王植傳稱諸奏植罪狀在大鴻臚者皆削除之是魏世鴻臚所掌諸侯王封拜慶讓之典一如漢制而如崔林傳所載則接待外藩亦其專司蓋猶未失大小行人之舊職也

晉

晉書職官志大鴻臚統大行等令及江左有事則權置無

事則省

周禮象胥晉干寶註曰今鴻臚

謹案晉初鴻臚尚沿漢魏之制自渡江以後諸侯王既不分封外藩亦無復朝覲聘問之禮故遂罷而不設偏安之世僻處一隅宜規模之益以狹隘也

宋齊梁陳

謹案江左諸朝鴻臚惟掌導護贊拜不復主賓客之禮故專繫鴻臚寺篇不列於此表

北魏

杜佑通典後魏大鴻臚第三品大鴻臚少卿第四品

楊銜之洛陽伽藍記永橋以南園丘以北伊洛之間夾御

六百六十一

道有四夷館道東有四館一名金陵二名燕然三名扶桑四名崦嵫道西有四里一曰歸正二曰歸德三曰慕化四曰慕義吳人投國者處金陵館三年以後賜宅歸正里北夷來附者處燕然館三年以後賜宅歸德里正光元年蠕蠕主郁久閭阿那肱來朝執事者莫知所處中書舍人常景議云咸寧中單于來朝晉世處之王公特進之下可班那肱蕃王儀同之間朝廷從其議北夷酋長遣子入侍者常秋來春去避中國之熱時人謂之雁臣東夷來附者處扶桑館賜宅慕化里西夷來附者處崦嵫館賜宅慕義里自蔥嶺以西莫不歡附南胡販客日奔塞下樂中國土風因而宅者不可勝數附化之民萬有餘家門巷修整閭閻

填列

謹案北魏於外藩入朝者皆有館以處之魏書蠕蠕傳云蠕蠕投化在京館者任其去留又云蠕蠕可汗婆羅門入朝死於洛南之館是也洛陽伽藍記所載最詳其間疑不無夸飾然規制自可考見特不言以何官掌之據魏書高句麗傳又稱高祖使大鴻臚拜高雲為高句麗王是魏世鴻臚實主藩國一切館餼朝謁當為其專職蓋如今之理藩院矣

冊府元龜延和二年九月詔兼大鴻臚卿崔頤持節拜征虜將軍楊難當為征南大將軍儀同三司封南秦王太和二年三月遣鴻臚卿劉歸謁者張察拜河南公梁彌機為

大四百五十

征南大將軍西戎校尉梁益二州牧河南公宕昌王

謹案初學記鴻臚五代史百官志云至梁加卿字曰鴻臚卿除大字後魏又加大字考冊府元龜于魏延和二

年稱大鴻臚卿崔頤于魏太和二年稱鴻臚卿劉歸同為魏制而一加大字一去大字與初學記不合

魏書崔挺列傳遷典屬國下大夫

魏書盧淵列傳淵拜典屬國

謹案北魏復置典屬國官而官氏志不載今據列傳採入其所掌已不可詳當亦即大鴻臚之分職也

北齊

隋書百官志後齊鴻臚寺置卿少卿丞各一人掌蕃客朝

職官表卷十七 理藩院

廣雅書局

會吉凶弔祭統典客典寺等署令丞典寺署有僧祇部丞一人昭元寺掌諸佛教置大統一人統一人都維那一人謹案葉夢得石林燕語東漢以來九卿官府皆名曰寺鴻臚其一也本以待四夷賓客故摩騰竺法蘭自西域以佛經至舍於鴻臚今洛中白馬寺即漢鴻臚舊地僧居概稱寺蓋本諸此云云據此是僧徒初入中國原待以蕃客之禮故舍之鴻臚寺至北魏而西域沙門來者益眾因立監福曹又改為昭元備置官屬以斷僧務見魏書釋老志北齊設典寺署令丞僧祇部丞仍隸於鴻臚俾主其事蓋猶本東漢之遺制今喇嘛番僧品秩承襲朝貢之禮悉統領於理藩院亦即其例至昭元寺專以僧徒

總領其置大統統都維那諸名則猶今之札薩克大喇嘛以下各分等級也

後周

〔通典〕後周官品正五命秋官賓部中大夫正四命秋官小賓部下大夫正三命秋官小賓部上士掌大賓客之儀〔隋書〕韋師列傳師在周為賓曹參軍雅知諸蕃風俗及山川險易其有朝貢必接對論其國俗如視諸掌夷人驚服無敢隱情徒為賓部大夫

謹案後周秋官有蕃部賓部俱出周行人之職今蕃部別繫諸禮部會同四譯館篇而賓部則專司賓禮當時出使專對皆以此職充之

周書武帝紀天和二年小賓部元暉使於齊建德元年小

賓部賀遂
禮使於齊
韋師傳所載可以相證與前代之大鴻臚掌
蕃國朝會者尤為昭合今故著之於此表

隋

隋書百官志鴻臚寺置卿少卿各一人統典客崇元署各置令典客二人崇元一人煬帝改典客署為典蕃署

隋書蘇夔列傳時蠻夷朝貢前後相屬帝嘗從容謂宇文述虞世基等曰四夷率服觀禮華夏鴻臚之職須歸令望寧有可以接對賓客者為之乎咸以夔對即日拜鴻臚少卿

謹案隋代鴻臚尚沿舊制掌賓客之禮隋書刑法志載楊素與鴻臚少卿陳延不平經蕃客館庭中有馬屎旋

以白帝帝大怒榜捶陳延幾斃又突厥傳處羅可汗母向氏入朝留京師每舍之鴻臚寺可知外藩朝覲者其館舍廩賜皆屬之鴻臚猶與今理藩院職掌為近也

唐

舊唐書職官志鴻臚寺龍朔改為同文寺光宅曰司賓寺神龍復卿一人少卿二人丞二人主簿一人錄事二人掌賓客之事凡四方夷狄君長朝見者辨其等位以賓待之凡夷狄君長之子襲官爵者皆辨其嫡庶詳其可否若諸蕃人酋渠有封禮命則受冊而往其國凡天下寺觀三綱及京都大德皆取其道德高妙為眾所推者俱申尚書祠部典客署令一人丞一人掌四夷歸化在蕃者之名數且

朝貢宴享送迎皆預焉凡酋渠首領朝見者皆館供之
唐會要天寶十三年三月二十七日禮賓院令鴻臚寺掌
管

謹案自東晉迄於唐諸侯王皆僅存空名無分藩之制
故封授削奪之政令俱改歸宗正不屬鴻臚所存者惟
蕃國朝覲之禮猶大行人之一職觀唐書回紇傳乾元
後回紇使者相望畱舍鴻臚又回紇武義可汗來逆公
主其下七百人皆聽入朝舍鴻臚新羅傳鴻臚寺籍質
子及學生歲滿者皆還之資治通鑑代宗永泰七年正
月回紇使者擅出鴻臚寺掠人子女所司禁之毆擊所
司七月回紇又擅出鴻臚寺逐長安令邵說奪其馬是

當時屬國之朝見館餼皆在鴻臚又諸藩冊立會盟弔

祭亦多以鴻臚充使

唐書突厥傳鴻臚卿劉善冊思摩可汗西突厥傳鴻臚少卿劉善冊

咄陸可汗吐蕃傳崔漢衡為鴻臚卿與吐蕃會盟境上回紇傳回紇懷信可汗死鴻臚少卿孫杲臨弔點夏斯傳鴻臚卿李業持節冊點夏斯為英武誠明可汗 卽或以他官充使亦必兼鴻

臚之職冊府元龜開元二十五年新羅王金興光卒其
子承慶嗣位命贊善大夫邢璣攝鴻臚少卿往其國行
弔祭冊立之禮是也雖唐代吐蕃回紇諸部皆強盛跋
扈終未得其要領難語於威德綏懷而考其規制亦今
理藩院之比也

司馬光資治通鑑會昌五年大秦穆護祆僧皆勒歸俗胡
三省注大秦穆護又釋氏之外教如回鶻摩尼之類唐制

祠部歲再祀磧西諸州火祆而禁民祈祭官品令其祆正蓋主祆僧也

姚寬西溪叢語唐貞觀五年有傳法穆護何祿將祆教詣闕勅長安崇教坊立祆寺號大秦寺又名波斯寺祆之有正想在唐世

唐書回鶻列傳詔回鶻營功德使在二京者悉冠帶之

謹案唐之祆僧出自西域為釋氏外教蓋如今之紅教喇嘛其祆正當以僧徒充之如今陝甘洮岷諸寺番僧設都綱僧綱僧正之例故不見於百官志摩尼之教本出回鶻即今回教所自始當時回鶻以摩尼入朝畱居京師故兩京各置回鶻營功德使以統之疑亦隸於鴻

臚寺也

唐書西域列傳箇失蜜王遣使者物理多來可王冊鴻臚譯以聞

唐書回鶻列傳回鶻可汗遣其妹逆主且納聘帝饗回紇公主入銀臺門譯史傳導入拜謁已又譯史傳問乃至宴所

謹案唐鴻臚寺譯史主譯西域諸國文字蓋如今之有唐古忒學也

五季 未置

宋 未置

謹案宋代北有遼金西有夏國疆土最為狹隘兼之兵

力孱弱不能服遠並無外藩朝覲之事故鴻臚但存空名其偶一通貢者惟有高麗安南諸國以同文館及都亭懷遠諸驛分主之而已今已別著於禮部四譯館篇不復載之此表

遼

遼史百官志北面部族官五院部有知五院事在朝曰北

大王院六院部有知六院事在朝曰南大王院伊實部帳

作乙室部在朝曰伊實王府有伊實府都古稜蒙古語盈

今改正節度使司奚六部在朝曰奚王府有二詳袞原作

今改正有二宰相又有圖哩滿洲語黑豆也原太尉有奚

六部漢軍詳袞原作詳穩今有奚伊喇滿洲語糜也原詳

袞有錫林塔拉官滿洲語錫林精銳也塔拉野

謹案遼之諸部族太祖二十部聖宗三十四部又附庸

十部各有分壤地廣族繁遼史營衛志謂古者巡守於

方岳五服之君各述其職遼之部族似之與今蒙古諸

部落規制差可相擬特當時皆分隸於諸路詳袞統軍

招討司不別設官以總領之惟五院六院伊實奚為四

大部族故在朝各置大王府以治其事謂之四大王府

蓋卽如今理藩院職掌也南北二王府又互見戶部篇

遼史百官志北面坊場等官圍場都太師圍場都管圍場

使圍場副使已上場官

謹案遼史穆宗紀載有虞人掌鹿鹿人獐人斃人狼人

鷹人豕人鵠人喚鹿人諸官而他紀傳不概見疑亦各因其所掌以立名並非定職惟圍場都太師以下專設以供獮狩之事即今圍場總管所由昉也

金

金史兵志太祖始以三百戶為穆昆滿洲語族也蓋族長之轉原作謀克今改正

正穆昆十為明安滿洲語千也蓋千夫長之稱原作猛安今改正繼而諸部來降

率用明安穆昆之名以授其首領而部伍其人時東北路部族紮軍二部五紮戶五千五百八十五其他部族數皆稱是西北西南二路之紮軍十其諸路皆在上京之鄙或置總管府或置節度使

謹案金諸部族皆分置明安穆昆而各統以節度使詳

袞額爾奇木

解見內閣篇之職百官志有諸部族節度使各一員守戍邊堡諸額爾奇木司額爾奇木各一員分掌部族村寨事蓋亦猶今蒙古諸藩

分旗編戶之制特其政令惟掌於西北西南東北三路招討司而在京並無綜轄之官以兵志考之疑當兼隸於尚書省及樞密院也

金史伊喇道列傳道改西北路招討使初諸部有獄訟招討司例遣胥吏按問往往為姦利道請專設一官上嘉納之招討司設勘事官自此始

謹案金置勘事官以平諸部獄訟蓋即如今察哈爾游牧處之理事官也

元

元史百官志宣政院秩從一品掌釋教僧徒及吐蕃之境而隸治之其用人則自為選其為選則軍民通攝僧俗並用至元初立總制院而領以國師二十五年因唐制吐蕃來朝見於宣政殿之前更名宣政院置院使二員同知二員副使二員參議二員經歷二員都事四員管勾一員照磨一員二十六年置斷事官四員二十八年增僉院同僉各一員元貞元年增院判一員大德四年罷斷事官至大初省院使一員至治三年置院使六員天祿二年罷功德使司歸宣政定置院使十一員從一品同知二員正二品副使二員從二品僉院二員正三品同僉三員正四品院判三員正五品參議二員正五品經歷二員從五品都事

三員從七品照磨一員管勾一員並正八品掾史十五人

蒙古筆且齊

解見吏部篇

二人回回掾史二人克埒穆爾齊

見解

吏部 四人知印二人宣使十五人典史有差○斷事官四員從三品經歷知事各一員至元二十五年始置○大都

提舉資善庫秩從五品達嚕噶齊

解見戶部篇

一員提舉一員

同提舉一員副提舉一員掌錢帛之事至元二十六年置

以上屬宣政院○通政院秩從二品國初置驛以給使傳設托克

托和斯

蒙古語托克托定也和斯雙

以辨奸偽至元七年

初立諸站都統領使司以總之設官六員十三年改通政

院至大四年罷是年仍置止管達勒達

滿洲語遮蔽處也原作達達今改正

站齊

原作站赤今依字面改正

延祐七年仍領漢人站齊

謹案元初以兵威翦滅西北各部即分封諸王於其地
 故親藩錫土多在邊陲元史稱國初親王分封有其地
 極遠去京師數萬里驛騎急行二百餘日方達京師者
 今蒙古部落大抵皆元諸王分地如故漢札賴特杜爾伯特郭爾羅斯為遼
王分地喀喇沁土默特為惠寧王分地故當時諸王駙馬投下蒙古色目
 人一切公事皆隸屬於大宗正府詳見宗人府篇其應給歲賜
 諸物或別置總管府以治之惟宣政院專領西僧及吐
 蕃境內諸事正今理藩院之一職其所屬有斷事官蓋
 即如今理事官資善庫則如今之銀庫也至通政院所
 管達勒達站齊即如今蒙古驛站而托克托和斯於各
 站專主郵政元志載吐蕃等處宣慰司都元帥屬若靈

大四百二十二

河積石烏思藏諸地皆有其官可見使命往來典司有
 在今之通政院設署京師故分列兵部馬館條下而托
 克托和斯則專繫於此以著蒙古驛站設立之沿革焉
 〔元史百官志〕宣徽院秩正三品掌宴享宗戚賓客之事及
 諸王宿衛齊哩克昆蒙古語齊哩克兵也昆人也原作怯憐今改正口糧食所屬
 內外司屬用人則人自為選置院使六員同知一員副使
 二員僉院二員同僉二員院判二員經歷二員都事三員
 照磨一員

謹案元宣徽院主供玉食之需當為今內務府職守而
 賓客之事亦兼主之元史顯宗傳稱晉王在藩邸元貞
 元年塔塔爾部原作塔塔兒部今依八旗姓氏通譜改正年穀不熟檄宣徽

職官表卷十一

理藩院

廣雅書局

院賑之則蒙古諸部灾歉宣徽院實司其賑恤正與理
藩院旗籍司所掌相近今故互見於此

明未置

謹案明自成祖措置失宜棄大寧以與三衛自是邊牆
之外皆為甌脫內地戍邏僅及關門而止元之子孫於
漠北相繼稱汗至我

朝破察哈爾林丹汗而始滅終明之世雖使命往來有同

敵國未嘗臣服其別部若額森蒙古語平安也原諳達

滿洲語夥伴也原皆雄視一方屢以勁兵入塞至於英

宗被執京城受圍明人聚訟盈庭終不能得其要領至

西域境壤則第畫嘉峪關而守之雖以哈密近邊之地

大三百八十七

亦為土魯番所據棄同異域諸蕃朝貢之禮不修官司
亦闕而未置誠由威令不行無以控馭之故也

國家聲教四訖奔走偕俅置戍建官盡歸疆索綏懷感軌
固已遠軼漢唐若明之柔懦無策者更為不足比算矣

南海桂銘球初校

益陽蔡芳覆校

番禺陶福祥再覆校

欽定歷代職官表卷十七

職官表卷十七 理藩院

廣雅書局

